

## LİVÂYÎ'NİN MANZÛM YASİN TEFSİRİ

Prof. Dr. Ahmet SEVGİ  
Selçuk Üniversitesi Edebiyat Fakültesi  
Türk Dili ve Edebiyatı Bölümü  
ahsevgi@selcuk.edu.tr

### Öz

Bu makalede 16. yüzyıl şairlerimizden Livâyî'nin, Berlin Königlische Kütüphanesi, Diez A. 80. 192 numarada kayıtlı (baş tarafı noksan) bir eserinde yer alan manzûm “Yasin” (Yasin Sûresi) tefsirinin metni verilmektedir. 1543'te tamamlanan ve Kanûnî Sultan Süleyman'a sunulan bu eserde “Mülk” ve “Amme” sûrelerinin de manzûm tefsiri var. Sade bir üslûpla kaleme alınan söz konusu sûrelerin tefsirinde âyetlerin bazen meâlen çevrildiği bazen de değişik müfessirlerden nakiller yapılarak yahut konuyla ilgili hikâyeler anlatılarak ayrıntıya girildiği görülmektedir.

**Anahtar Kelimeler:** Livâyî, manzum tefsir, Yasin Sûresi, mesnevî.

## LIVAYI'S POETICAL INTERPRETATION OF “YASEEN” (SURA YASEEN)

### Abstract

In this essay, the text of poetical interpretation of “Yaseen” (Sura Yaseen) is presented, which appeared in one of the works of Livayi, one of our 16th century poets, the beginning part of which is missing and which is stored under the number Diez A. 80. 192 in Berlin Königlische Library. Poetical interpretations of Suras “Mulk” and “Amme” are included in this work which was completed in 1543 and presented to Sultan Suleiman the Lawgiver. It is seen in the mentioned interpretations of the Suras written in unsophisticated style that, verses were sometimes translated according to the meaning, references were sometimes given from different glossators or details were given by telling relevant stories.

**Key words:** Livayi, poetical interpretation, Sura Yaseen, matnawi.

## GİRİŞ

Livâyî 16. yüzyıl şairlerimizdendir. Hayatı hakkında ayrıntılı bilgiye sahip değiliz.<sup>1</sup> Âşık Çelebi “Meşâ’iru-şu‘arâ”da adının Hızır olduğunu, akli dengesinin yerinde olmadığını, zaman zaman hastanede tedâvî gördüğünü ve kitâbetle (müstensihlik) geçindiğini söyler. Âşık Çelebi’nin, şairin edebî kişiliği ile ilgili verdiği bilgi ise şöyledir: “Mü’ellefâtı ‘adedde şad olur, yanında şî’r ü inşâdan dem ırılsa gayruñ kelimâti mezkûr olmak bâbı sedd ü şadd olur.”<sup>2</sup>

Buradaki “sad” kelimesi kesretten kinâye olmalı. İstinsah ettiği eserler de kast edilmiş olabilir. Zira “Divan”, “Mecmâ’-ı Eş‘âr”<sup>3</sup> ve “Yâsin, Tebâreke (Mülk Sûresi) ve Amme’nin (Nebe Sûresi) nazmen tefsir edildiği -baş tarafı noksan- bir eser<sup>4</sup> dışında bu zatın (Livâyî) herhangi bir telifi bilinmemektedir.

Söz konusu eser:

“Bi-ğamdî’llâh dem emn ü emândur  
Ki devrân-ı Süleymân-ı zamândur  
Toğuz yüz ellide bu tağrîr  
Beyân olup tamâm oldı tağrîr” (v. 97<sup>a</sup>)

mısralarında belirtildiği üzere, 950/1543’te tamamlanmış ve Kanunî Sultan Süleyman’a (1520-1566) sunulmuştur:

<sup>1</sup> Görebildiğimiz kadıyla Livâyî hakkında tek kaynak Âşık Çelebi’nin “Meşâ’iru-şu‘arâ”dır. Âlî’nin “Künhü’l-ahbâr”da verdiği bir cümlelik bilgi Âşık Çelebi’den alınmışa benziyor. Her iki metni de sunuyoruz:

LİVÂYİ: İstanbulludur. Kuloğlu idi. Adı Hızırdur. Yeniçeri iken ba’zı meşâ’ih hıdmetin idüp esmâya müdâvemet ile ve mürebbisüz halvet çekmekden galebe-i yübüset ile dimâğna ihtilâl ve ‘aqlına i’tilâl ‘arız oldı. Niçe zamân bîmâr-hânede mu‘âlecât itdiler. Zencir ü bend südmend oldı ki nev’an hüsmend oldı. ‘Ulüfesi olan açqadan ber-vech-i tekâ’üd şey-yi yesîr sebeb-i ma’îseti vardur ve eyü nüşâ yazar kitâbet ile kefâf-ı nefis tertîbine kudreti vardur. Mü’ellefâtı ‘adedde şad olur, yanında şî’r ü inşâdan dem ırılsa gayruñ kelimâti mezkûr olmak bâbı sedd ü şadd olur. Be-her hâl bir yılda iki yılda bir bîmâr-hâne kayyumına buluşur *darbu’l-ğabîb zebîb* diyü leti lût bilür ve *küllü dâhîlin yenfa’* diyü ihtikândan çekmez zor.

Eş‘âr-ı ü  
Şöyle şakla sır-ı ‘ışkı tende cânunı tuymasun  
Belki adın anıma ağzuñda zebânunı tuymasun  
La'lüñi emsem olurdu derdüme emsem didüm  
Didi em mâ kimse bu râz-ı nihânunı tuymasun (Âşık Çelebi, 2010: 742-743)

LİVÂYİ: Nâmı Hızırdur. İstanbul kuloğullarından iken tağşîl-i ma’rifet itmişdür. Hağ budur ki bu matla’ı kem degüldür.

Nazm: Şöyle şakla sır-ı ‘ışkı tende cânunı tuymasun  
Belki adın anıma ağzuñda zebânunı tuymasun (İSEN, 1994: 269)

<sup>2</sup> bk. Âşık Çelebi, 2010: 743.

<sup>3</sup> bk. MMKTYK, 1992: 31.

<sup>4</sup> bk. PERTSCH, 1889: 120-122.

Mesnevî nazım şekliyle ve arûzun “mefâ‘lün/mefâ‘lün/fe‘ülün” vezniyle yazılan eserin elimizdeki bu noksan nüshası 97 varak ve 2639 beyittir.

Başı:

“Ki taḥḳîḳ eyleyiserüz biz anı  
 Kıyâmetde diri her ins ü cânı (v.1<sup>a</sup>)

Sonu:

“Livâyî meşnevînüñ oldı şeyḫi  
 Unutsun Ḥusrev ü Şîrîni Şeyḫî” (v.97<sup>a</sup>)

İstinsah Tarihi : 978/1570

Müstensih : Mustafa

İstinsah Kaydı : تمت الكتاب بعون الله الوهاب :

كتبه الفقير مصطفا

Şairin:

“Livâyî meşnevînüñ oldı şeyḫi  
 Unutsun Ḥusrev ü Şîrîni Şeyḫî” (v.97<sup>a</sup>)

sözünden hareketle -mesnevîlerde mutat olduğu üzere- söz konusu eserin başında tevhit, naat, methiye ve sebep-i telif bölümlerinin bulunduğunu var sayar ve elimizdeki nüshanın da “Yâsin”in 12. âyetine kadar olan kısmının kopmuş olduğunu dikkate alırsak eserin baştan en az 20-30 varak eksik olduğunu söyleyebiliriz. Ayrıca “Yasin Sûresi”nin 35. âyetinden itibaren 7 âyetin (35-42) tefsir edildiği varaklar kopmuştur. Bütün bu noksanlar hesaba katıldığında eserin takriben beş-altıyüz beyit eksik olduğu tahmin edilebilir.

Livâyî, bu eserde Müslümanlar arasında -namaz sûrelerinden sonra- en çok okunan Yâsin, Tebâreke (Mülk Sûresi) ve Amme’yi (Nebe Sûresi) sade bir üslûpla nazmen tefsir etmiştir. Sûreler tefsir edilirken önce Mekke’de mi, Medine’de mi nâzil olduğu, kaç âyet olduğu, sebep-i nüzûlü gibi şekli bilgiler verilmiş daha sonra da tefsire geçilmiştir. Âyetlerin bazen meâlen çevrildiği bazen de değişik müfessirlerden nakiller yapılarak yahut konuyla ilgili hikâyeler anlatılarak ayrıntıya girildiği görülmektedir.

Livâyî'nin esere ne ad verdiğini bilmiyoruz.

“Tamām oldı nizâm-ı nazm-ı tefsîr  
 N'ola şeh şadrı olursa aña yir  
 .....  
 Olıcak dürr-i nazmum şâha manzûr  
 İlâhî ḥazretinde eyle ma'zûr  
 Bu dürr-i nazmı gördükde o sultân  
 Düri 'aks-i la'alden eyle mercân” ( v. 97<sup>a</sup>)

beyitlerinde geçen “nazm-ı tefsîr” yahut “dürr-i nazm” ifadelerinden biri eserin adı olabilir mi? Yoksa bu ifadelerin mânâsı mı kast ediliyor? Bu konuda kesin bir şey söylemek zor.

Biz bu makalemizde adı geçen eserin Yâsîn tefsiri kısmını (v. 1<sup>a</sup>-41<sup>b</sup>/1136 beyit) sunuyoruz.

[v. 1<sup>a</sup>]

.....<sup>5</sup>  
 إِنَّا نَحْنُ نُحْيِي الْمَوْتَىٰ وَنَكْتُبُ مَا قَدَّمُوا وَآثَارَهُمْ

Ki taḥḫîḫ eyleyiserüz biz anı  
 Kıyâmetde diri her ins ü cânı

Meh-‘izâruñla iy la‘l-i Mesîḥâ ?  
 Ki mürde dilleri kıılırız ihyâ

Ki anlardan yazaruz sağ eger çeb  
 İlerü virdügi a‘mâlini hep

Daḥı ardında koyup gitdügünü  
 Eger ḥayr u eger şerr itdügünü

**5** Daḥı adımların itdüm nüvişte  
 İderler rāh-ı mescide gidişte

Rivāyet eyler ü dir İbn-i ‘Abbās  
 Müfessirler emîri server-i nās

Sebeb bu âyetüñ budur nüzüli  
 Fürü‘in añladur bunuñ uşüli

Ki bir ḳavmüñ Medîne mescidine  
 İrağ olmışdı rāh ol ehl-i dîne

Dilediler kıllalar terk-i mesken  
 Ki ḥâzır olalar mescide erken

**10** **Ve nektüb** âyetin Ḥaḳ itdi irsâl  
 İder **mâ-ḳaddemü âşrahüm** dâl

Yazaruz anlaruñ her adımın biz  
 Ki maḥv olmaz eyü yolda olan iz

<sup>5</sup> Eserin, “Yâsîn” tefsirininin 12. âyetine kadar olan kısmı kopmuştur.

Dilerseñ rāh-ı mescide sevābı  
İrag olmağımız anuñ şavābı

Dağı buyurur ol fahr-i risalet  
Haber virürem olsun size huccet

Anuñla maḥv ola 'isyānlaruñuz  
Şalāḥa meyl ide tuğyānlaruñuz

[v. 1<sup>b</sup>]

**15** Dağı meretebeñüz dir ola yüce  
Anuñla dürişesiz irte gice

Ol oldur ışşıda şovuḡda dāyim  
Vuzū idüp oluñ mescidde ḡāyim

Ki bir vaḡtı edā itdükde bī-kem  
Olasız muntaḡır bir vaḡt içün hem

وَكُلُّ شَيْءٍ أَحْصَيْنَاهُ فِي إِمَامٍ مُّبِينٍ

Dağı her nesne kim ḡayr u eger şer  
Ki yazduḡ levḡ-i maḡfüz içre ezber

Ki bizden olmadı hīç nesne maḡfī  
Ki müstevfā 'ulūmum oldı vāfī

**20** Ki maḡfī olmadı hīç nesne bizden  
Degül her 'ilme vāḡı' kimse sizden

وَاضْرِبْ لَهُم مَّثَلًا أَصْحَابَ الْقَرْيَةِ إِذْ جَاءَهَا  
الْمُرْسَلُونَ إِذْ أَرْسَلْنَا إِلَيْهِمُ اثْنَيْنِ فَكَذَّبُوهُمَا

Ki ya'nī yā Muḡammed kıl beyānı  
Ki Mekke ḡavmine bir bir olanı

Ki Anḡāḡıyye kavminüñ mişālin  
Beyān it anlara ne oldı ḡālīn

Cemī'i yirlere virdük peyember  
Ki anlara da göndürdük iki er

Pes ol ḡavm anlara inanmadılar  
Helāk oldılar āḡır şanmadılar

**25** *Ħikāyet* kavm-i Anṭāḳıyye bir gün  
Ki oldı ḥālī anlaruñ diger-gün

Meger ‘İsā peyember ol zamānda  
Dine da‘vet iderdi ḥalkı anda

[v. 2<sup>a</sup>]

Şalup aşḥābını her bir bilāda  
Varuñ dīn öğredüñ dirdi ‘ibāda

Ki Anṭāḳıyyeye göndürdi işnān  
Birinüñ adı Yaḥyā biri Şevbān

Mesīḥuñ tā ki ol iki rasūli  
Bularuñ uğradı bir yire yolu

**30** Ki şehrüñ yöresinde ol giderdi  
Meger ol arada koyun güderdi

Selām itdiler ol pīr-i ‘azīze  
‘Aleyk aldı bulardan size size

Didi anlara kim ne kişilersiz  
Ki ḳandan gelüben ḳanda gidersiz

Eyitdiler biz aşḥāb-ı Mesīḥüz  
Şaḥīḥüz sözlerümüzde faşīḥüz

Bu şehre geldük uş olursa rağbet  
Ki ḥalkın idevüz ḥaḳ dīne da‘vet

**35** O pīr eytdi bu söz kim dersiz iy cān  
Ki var mıdur bu da‘vāñuza burhān

Didiler vardurur budur ‘alāmet  
Du‘āmuzla bulur her ḥasta şıḥḥat

Daḥı gözsüzlerüñ gözin açaruz  
Du‘ā-yı ḥayr ile şerden ḳaçaruz

Daḥı ebraşları şağ eylerüz biz  
Siyeh-baḥt olanı ağ eylerüz biz

O pīr eytdi gelüñ imdi hemāndur  
Benüm bir oğlanum var çoḳ zamāndur

**40** Yatur ol hâsta vü dermânde her ân  
Kimesne itmedi derdine dermân

Gelûñ evvel aña eyleñ müdāvā  
Ola kim anda şābit ola da'vā

[v. 2<sup>b</sup>]

Varup üstine kıldılar du'âlar  
Hemân dem sağ olup buldı şafâlar

Ki dir ba'zılar ol pîr idi a'mā  
Du'â itdiler anda oldı bînā

O pîr oldur Hâbîb adıyla Neccār  
Ki cân u dilden oldı anlara yâr

**45** Yayıldı bunlaruñ aĥbârı şehre  
Gelen yanlarına olurdu behre

Nice şayruları sağ eylediler  
Ki bu da'vâyı iblâğ eylediler

Nice gözsüzi bînā eylediler  
Nice derde müdāvā eylediler

Çü bunlar buldılar ol yirde şöhre  
Yetişdi bu haberler şâh-ı şehre

Didiler geldi şehre iki cânlar  
Ki da'vâ-yı nübüvvet eyler anlar

**50** Ki da'vet eyledi anları sulţân  
Ne kişilersiz eydüñ didi iy cân

Didiler 'İsî vü nefh-ı Hudānuñ  
Biz aşĥâbındanuz ol muĥtedānuñ

Ki geldük kim olavuz size devlet  
İdevüz cümleñüz ĥak dîne da'vet

Şu bütler kim işitmez daĥı görmez  
'İbâdet idene hîç nef'i irmez

Sizi men' itmege geldük biz andan  
Sözümüz arıdur bizüm yalandan

**55** Bu sözləri işitdi çünki sultān  
O dem tōldı ğazabdan gözleri qan

Eyitdi siz meger kim cādularsız  
Siħirle halkı azdurmak dilersiz

[v. 3<sup>a</sup>]

Buyurdı bunları dögdiler ol dem  
Şaç u şaçallarını yoldılar hem

Țutup gezdürdiler şehri ser-ā-ser  
Didiler cādularmış bu erenler

Sözine itmesün kes i'tikādı  
Bularuñ fitne imiş çün murādı

**60** Pes andan bend ü zindān eylediler  
Elem-bīn ü perīşān eylediler

Yetişdi bu haber 'İsāya nāġāh  
Ki beste olduğunu anlara rāh

Birisin daħı göndürdi ol hümāyūn  
Ki adına anuñ dirlerdi Şem'un

Nitekim buyurur Qur'ānda Hādī  
Ol ikiden bu şālīşdür murādı

فَعَزَّزْنَا بِثَالِثٍ فَقَالُوا إِنَّا إِلَيْكُمْ مُرْسَلُونَ

Ki ya'nī taķviyet virdük ikiye  
Üçüncü birle pes işler bekiye

**65** Çü Şem'un toġrı varup girdi şehre  
Ki zindān qapusında tūtđi behre

Didi zindāncıya ol var mı destür  
Taşadduķ eyleyem zindānda mestur

Virüp zindāncı ol dem aña destür  
Ki girdi içerü ol şem'-i pür-nür

Virüp etmek uyuyanın uyardı  
Ol iki kişinüñ qatına vardı

Şorup anlara didi n'oldı ta'līl  
Ki beñzer eylemişsiz qatı ta'cīl



- 70** Sehiddür eylemişsiz çün ticâre  
Gerekti bunlara itmek mudâra  
[v. 3<sup>b</sup>]  
Sizüñ temşilüñüz beñzer ki şuña  
Ki bir hâtün kişi uğradı buña  
  
Ki 'ömrinde bir oğlancuğ toğurmuş  
Büyüse diyü fiz fiz iver imiş  
  
Ta'ama henüz öğrenmedin oğlan  
Virüp etmek tûruğmuş bağrına çan  
  
Şatılmamış kumaşı kâsid olmuş  
Bu ta'cîl ile fikri fâsid olmuş
- 75** Sizüñ de işiñüz dönmiş aña çün  
Yatuñ şabr eyleyüp siz bir iki gün  
  
Ki sultân ile ben varup olayın  
Ola kim aşinâ düşem varayın  
  
Dilerse Hâk sizi ben bu belâdan  
Halâş idem unutmañuz du'âdan  
  
Çıkup zindândan ol şâhib-firâset  
Varup büt-hâneye itdi iğâmet  
  
Ki cem' olmuşdı anda çok halâyık  
Kimi mest ehl-i küfrüñ kimi ayık
- 80** Girüp Şem'un dağı tûrdı tapuda  
Tazarru' eyleyüp vardı sücûda  
  
Büte tapar şanurdi gören ilden  
Bu hod Hâkka niyâz eylerdi dilden  
  
Deyirden çıkdı girdi şehre ol yâr  
Ki şağ oldı deminden nice bîmâr  
  
İdüp bir nice i'câz anda ızhâr  
Velî peygamberin dimezdi zinhâr  
  
Şu deñlü oldı ki ol bende-i Rab  
Çatında oldı sultânüñ muğarreb

- 85** Mudārā ider idi halk ile ol  
 Ki buldı 'aķıbet sulţāna rāh ol  
 [v. 4<sup>a</sup>]  
 Meger sulţān didi Şem'una bir gün  
 İki kimse gelüpdi senden önden  
  
 Bu sen gösterdüğüñ cümle kerāmet  
 Ki anlar daķı gösterdi tamāmet  
  
 Velī iy pīr-i dānā ol cüvānlar  
 Nübüvvet da'vīsın iderdi anlar  
  
 Bizüm dīnümüze bāķıl didiler  
 Gelüñ oluñ bize ķāyil didiler
- 90** Tıtuþ ben daķı itdüm bend ü zindān  
 Yaturlar bend ü zindān iķre el-ān  
  
 Didi Şem'un aña iy şehryārī  
 Buyursañ görsevüz anları bārī  
  
 Ol ikiye görelüm n'oldı hıccet  
 Ki eylerlerdi da'vā-yı nübüvvet  
  
 Varup zindāndan ol iki rasūli  
 Getürdiler o dem buldı vuşūli  
  
 Didi Şem'un sizi kim itdi irsāl  
 Ki eylersiz bu resme ķīl ile ķāl
- 95** Didiler bizi göndürdi o Bārī  
 Ki işlāh idevüz biz bu diyārī  
  
 Didi vaşf eyleñ anuñ şān u zātın  
 Nedür Tañrıñuzuñ eydüñ şıfātın  
  
 Didiler Tañrımız her mümkinātı  
 Yaratdı **kün** demekle kāyinātı  
  
 Virür maķlūķa rızķın eylemez aç  
 Ki sen de görmek istersen gözüñ aç  
  
 Anuñ hükmine kimse māni' olmaz  
 Nice dilerse işler dāfi' olmaz

**100** Didi Şem'un ne hucjet birle dirsin  
Bu da'vâ-yı nübüvvet kim idersin

[v. 4<sup>b</sup>]

Didiler hastaları eylerüz şağ  
Du'āya māni' olmaz bend ile bağ

Baraşlara şifā virür du'āmuz  
Revādur dergeh-i Hağda recāmuz

Didi Şem'un anı ben de bilürem  
Ne kim siz kılduñuz ben de kılıram

Yine bunlar didiler iy vefādār  
Bizüm bir özge dağı fennümüz var

**105** Kıluruz dağı gözsüzleri gözlü  
Dağı şol söylemez dilleri sözlü

Didi Şem'un bulara gözsüzün ger  
Ki görmezken olursa gözi görür

Dileyem sizi şehden idem āzād  
Bu ğamğın göñlüñüzi eyleyem şād

İşidicek bular bundan bu sözi  
Bir oğlan buldılar yoğıdı gözi

Dağı ol tılda iy nıker hū  
Ne ğamze var idi anda ne ebrū

**110** Bir iki gilve düzetdiler elden  
Ol iki merd-i dānā āb u gilden

Gözinün yirine kodılar anı  
Du'āya açdılar dest ü dehāni

İki göz virdi Hālķ aña bī-şek  
Kamusınuñ gözinden oldu yigrek

Didi Şem'un bunu ben de bilürven  
Getürdiler bir anuñ gibi oğlan

Du'ā itdi hemān-demde ol a'mā  
Ki nā-bīnā iken ol oldu bīnā

**115** Bular didi yine biz bilürüz hey  
 Du‘ā ile ölü olanları hay  
 [v. 5<sup>a</sup>]  
 Didi Şem‘ün diri kılmak ölümünden  
 Benüm ol mu‘cize gelmez elümden

Eger siz idesiz bu resme şan‘at  
 Sizi sulţāndan eyleyem şefā‘at

Didiler anda şāha ba‘zı huddām  
 Ki bir meyyit yidi gündür yatur tām

Meger gāyibdemiş anuñ babası  
 Tavaqquf eylemiş āl u abāsı

**120** Buyurdı şeh o meyyit oldı hāzır  
 Çü bunlar oldılar ol lahde nāzır

Du‘ā eyledi anlar anda yek-fen  
 Biri ihfā ile ikisi cehren

Dirildi ol ölü ol demde fi'l-ḫāl  
 Ki şordılar o dünyādan nedür ḫāl

Didi ol yidi gündür ölmüşem ben  
 Cehennem olmuşıdı baña mesken

Bu yidi gün içinde emr-i hādī  
 Baña gösterdi yidi dürlü vādī

**125** ‘Azāb oldı baña çok her birinde  
 Bu yidi vādinuñ her bir yirinde

Yidinci vādide cānumı nā-gāh  
 Bağışladı yine cismüme Allāh

Didiler baña ol dem baq yuḡaru  
 Açılmış gökleriñ ḳapısı ḳamu

Ki gördüm anda ben bir nev-cüvānı  
 Elin aşāğa uzatmış o cānī

Bu üç kişiye ol eyler şefā‘at  
 Budur ol dünyeden ḫāl ü ḫikāyet

**130** Didi şeh ben iki görürin anı  
Sen üç didüklerüñüñ biri kıanı

[v. 5<sup>b</sup>]

Didi birisi Şevbān biri Yaḥyā  
Birisi ol üçüñ Şem'un-ı 'İsā

Bu üç beni şaçumdan çekdi aldı  
Çıkardı oldan ol od anda kıaldı

Açup gözümü irişdüm murāda  
Ki gördüm ben beni işbu arada

Hemān dem didi Şem'un şāha anda  
Getürsünler buyur bütleri anda

**135** Gelüp anlar da itsün mürde iḥyā  
Ki mülzim olmayalum biz de şāha

Didi sulṭān buña iy merd-i dānā  
Bütüñ ağızı dili yok olsa gūyā

Gözi yok kulağı yok anlaruñ ya  
Ölüyi nice kılsun anlar iḥyā

Didi Şem'un o dem bu kişiler pes  
Çü ḥaḳ söyler imişsin sen sözi kes

Uyup bunlara gel olğıl müselmān  
Olasın tā ki bunda anda sulṭān

**140** Baña senden direm ḳayḳu degüldür  
Peyemberdür bular cādū degüldür

Çü böyle diyicek Şem'un-ı bī-bāk  
Didiler bes o dem ol ḳavm-i nā-pāk

Bir imişsiz meger siz ittifākī  
Bizi ızlāl için idüp yaraḳı

Degülsiz belki siz peygamber-i ḥaḳ  
Ki ādem oğlanısız siz de ancaḳ

قَالُوا مَا أَنْتُمْ إِلَّا بَشَرٌ مِثْلُنَا وَمَا أَنْزَلَ  
الرَّحْمَنُ مِنْ شَيْءٍ إِنْ أَنْتُمْ إِلَّا تَكْذِبُونَ

Degülsiz didiler illā meger siz  
Ki bizüm gibi siz de bir beşersiz

[v. 6<sup>a</sup>]

**145** Ki Tañrı vaħy indürmedi size  
Yalansız söylemeñüz anı bize

قَالُوا رَبُّنَا يَعْلَمُ إِنَّا إِلَيْكُمْ لَمُرْسَلُونَ  
وَمَا عَلَيْنَا إِلَّا الْبَلَاغُ الْمُبِينُ

Didiler biz size bilür o Raħmān  
Ki peygamberlige geldük atup cān

Bize vācib budur fermānın anuñ  
Ki iblāğ idevüz Qur'ānın anuñ

Size lāyık budur taşdıķ idesiz  
Bize teb'iyyeti taħķīķ idesiz

İdesiz cānuñuz düzaħdan āzād  
Ki ğamdan ҡurtuluban olasız şād

قَالُوا إِنَّا تَطَيَّرْنَا بِكُمْ

**150** Didiler anlara ol ҡavm-i maħrüm  
Sizi biz ğāyet ile görürüz şüm

Uğursuzsuz yaramaz bed-ķademsiz  
Ki başdan ayağa derd ü elemsiz

Nitekim geldüñüz sizler bu şehre  
Bulunmaz oldı bunda zād u behre

Ki sağlık gitdi geldi ğastelikler  
Ferāħı gitdi geldi bestelikler

لَئِنْ لَمْ تَنْتَهُوا لَنَرْجُمَنَّكُمْ\*  
وَلَيَمَسَّنَّكُمْ مِنَّا عَذَابٌ أَلِيمٌ

Eger bir yirde siz ıřurmazañuz dek  
'Azāb ider size bu cümleden pek

- 155** Bu resme nice sözler ehl-i zünnâr  
Didiler taşâ diküp eylerüz dâr

قَالُوا طَائِرُكُمْ مَعَكُمْ

[v. 6<sup>b</sup>]

Didi bu üç rasûl anlara ol dem  
Ki şümlıklar sizûñle oldı bā-dem

İçüñüz taşuñuz memlû olupdur  
Ki küfr ü buğz u kibr ile toplupdur

أَيْنَ ذُكِّرْتُمْ بَلْ أَنْتُمْ قَوْمٌ مُّسْرِفُونَ

Naşîhat itdügümüz çün size biz  
Bize ‘âķ oldunuz iy kavm-i nā-çiz

Ki haķ söyledügümüz çün size biz  
Bizi ol ma'niden siz şüm görürsiz

- 160** Ki bizde şümluk yok sizdedür bil  
Sizi bu küfrüñüz itdi mu'allil

Çü bir t̄ayifesiz husrān içinde  
Ki hadden geçdüñüz ‘iṣyān içinde

وَجَاءَ مِنْ أَقْصَا الْمَدِينَةِ رَجُلٌ يَسْعَى

قَالَ يَا قَوْمِ اتَّبِعُوا الْمُرْسَلِينَ

اتَّبِعُوا مَنْ لَا يَسْئَلُكُمْ أَجْرًا وَهُمْ مُهْتَدُونَ

Ki ol merd-i Ḥabīb adıyla Neccār  
Segirtti geldi şehre köyden ol yār

Didi iy kavm oluñ bunlara tābi‘  
Ki bunlar istemez sizden menāfi‘

Bu mürseller dilemez sîm ile zer  
Ki size tođrı yol göstermek ister

وَمَا لِي لَا أَعْبُدُ الَّذِي فَطَرَنِي وَإِلَيْهِ تُرْجَعُونَ

- 165** Dađı dir anlara Neccār-ı şādık  
Çü halk itdi beni ḥallāķ-ı ḥālık

Ne oldı bana kılmayam ‘ibādet  
Aña eyler rucū'ı cümle millet

[v. 7<sup>a</sup>]

Bu sözi ‘arz idüp dāyim o dīn-dār  
Ki bunlara mu‘āvin oldı hem yār

Ki kendü h̄od olupdı mü‘min-i evvel  
‘İbādet h̄vānına şunmuşdı ol el

ءَاتَّخَذُ مِنْ دُونِهِ إِلَهَةً إِنْ يُرِدْنِ الرَّحْمَنُ  
بِضُرٍّ لَّا تُغْنِي عَنِّي شَفَاعَتُهُمْ شَيْئاً وَلَا يُنْقِذُونِ

Ki ya‘nī Tañrınuñ ğayrı bütāna  
‘İbādet mi kılayın ol mekāna

**170** Eger Tañrı baña iderse miñnet  
Baña bütlerden irişmez şefā‘at

Didi Neccāra ol kavm-i bed-ef‘āl  
Bu cādūlar seni de itmiş ıqlāl

Seni döndürdiler kendülerine  
Ki beñzer h̄ūlaruñ hep h̄ūlarına

Girü gel dīnūñe dön yoħsa zinhār  
Seni de eylerüz anlarla ber-dār

Didi Neccār-ı şādık anda ol dem  
Bu āyet ma‘nīsın bī-bāk u bī-ğam

إِنِّي إِذَا لَفِي ضَلَالٍ مُّبِينٍ

**175** Dönersem ger sizüñ ben dīnūñüze  
Sizüñ iy kavm-i şüm āyīnūñüze

Ben azmışlardan olurun haqīkat  
Size de dīnūñüze daħı la‘net

إِنِّي أَمُنْتُ بِرَبِّكُمْ فَاسْمِعُونِ

Ƙodı kāfirleri Neccār-ı ‘irfān  
Didi mürsellere iy ehl-i īmān

Ki siz tanıklık idüñ baña rüşen  
İnandum birliğine Tañrınuñ ben

[v. 7<sup>b</sup>]

Ki cān u dilden oldum ben müselmān  
Benümçün diyesiz siz ehl-i īmān



**180** Bu Neccâr ol Hâbîb-i pîre dirler  
Ki şehre geldüğünde ol iki er

O mürseller buna tuş olmuş idi  
Bunuñla başları hoş olmuş idi

Bunuñ bir oğlı vardı hasta ma'lûl  
Du'â ile şifâ bulmuş idi ol

Müselmân olup olmuşdı selâmet  
Girüp bir gâra eylerdi 'ibâdet

İşitdi mürselîni nâ-geh ol yâr  
Ki her birini itmişler giriftâr

**185** Hâlâş itmege geldi bunları ol  
Velî kırtulmağa el virmedi yol

Bunu da tutup ol yüzleri kara  
Demür mîh ile kaqdılar divâra

Ol iki mürseli idüp bahâne  
Orada itdiler taşâ nişâne

Şehîd oldı ol iki mürsel anda  
Ki şimdi 'iş u nüş eyler cinânda

Hâbîb ol yirde kim çekerdi derdi  
Behişt ârâyışın seyrân iderdi

**190** Hudâ eydürdi aña **inne enne**  
Hiṭâb-ı '**irci'** iy muṭma'inne

قِيلَ ادْخُلِ الْجَنَّةَ

Didi gel gir cinâna çık buradan  
Ki kırtul cümle derd ile belâdan

Ki kırtul gel bu dünyâ zahmetinden  
Alabildükçe al Hâk rahmetinden

[v. 8<sup>a</sup>]

قَالَ يَا لَيْتَ قَوْمِي يَعْلَمُونَ

بِمَا غَفَرَ لِي رَبِّي وَجَعَلَنِي مِنَ الْمُكْرَمِينَ

Didi ol demde Neccār anda iy kâş  
Benüm olsaydı sırrum ehlüme fâş

Beni yarlıgaduğın pâdişāhum  
Hem ikrām itdüğün baña İlāhum

**195** Baña kavmüm bileydi n'oldı ihsān  
Ki anlar da olalardı müselmān

Bulup rahmet olur idi muqarrer  
Duğul-i cennet anlara müyesser

Bu sözi çün Ḥabīb eylerdi tekrār  
İşitdiler anı ol kavm-i küffār

Ki yir yir taş urup ol bend ü bāğa  
Düşürdiler anı andan aşağa

Bıraqdılar ayak altına anı  
Bağırsaqlarınunı çıqıdı olanı

**200** Şu deñlü depdiler ol dīn erini  
Ki rīze rīze idüp her yirini

Ol eydürdi İlāhī bunlara sen  
Hidāyet nūrın eyle şem'-i rüşen

Bular bilmezlüğinden cevr iderler  
Baña kendülerine cebr iderler

Çıkınca rūḥı ol pīr-i 'azīzün  
Sözi bu oldı ol ehl-i temīzün

Buña anlar iderlerdi cefālar  
Bu anlar içün eylerdi du'ālar

**205** Zirā āyini budur evliyānuñ  
Dağı 'ādetleridür enbiyānuñ

Bularuñ olmadı kīn tutma kāmı  
Bular almaz 'adūdan intikāmı

[v. 8<sup>b</sup>]

Ki ehl-i dīn olan ehl-i kīn olmaz  
Hem ehli kīn olan ehl-i dīn olmaz

Rasûlu'llâh için dir ehl-i aḥbâr  
Uḥud cenginde bir dişini küffâr

Şıyup başın şikâf itdiler anda  
Ol eylerdi du'âlar ol zamânda

**210** İllâhî sen bu kavme it hidâyet  
Dir idi bunu ol kân-ı şefâ'at

Bular bileydi itmezdi cefâlar  
Baña eylerler idi çok vefâlar

Şehîd itdi bu Neccârı çü küffâr  
Hemân Cebra'ile emr itdi Qahhâr

Tutup ol şehri iki kapusından  
Ayırdı yirlerini yapusından

Şu bir kâse gibi çalkadı anı  
Ki virmedi birisine amânı

**215** Ki na'ralar urup ḥaykırdı çâlâk  
Qamusı bir uḡurdan oldılar ḥâk

وَمَا أَنْزَلْنَا عَلَىٰ قَوْمِهِ مِنْ بَعْدِهِ  
مِنْ جُنْدٍ مِنَ السَّمَاءِ وَمَا كُنَّا مُنْزِلِينَ

Ki ya'nî kavm-i Anṭâkıyyeye biz  
Ki cünd indürmedük gökden bilün siz

Şehîd olduḡda Neccâr-ı Ḥabîbî  
Şoñında eyledük biz bu 'acîbi

Ki yokdur cünde benüm ihtiyâcum  
Dilersem alurın düşmenden öcum

Bir üyezle helâk eylerin ânî  
Ki Anṭâkıyye kavmi gibi anı

**220** Ki bir ḥaykırmasıyla Cebra'ilün  
Helâk oldı qamusı cümle bilün

[v. 9<sup>a</sup>]

إِنْ كَانَتْ إِلَّا صَيْحَةً وَاحِدَةً  
فَإِذَا هُمْ خَامِدُونَ

Helāk iden degül anları illā  
Ki bir haykırması Cibrilüñ ammā

Ki nā-geh eyledi bir şayha bī-bāk  
Helāk olup kamusu oldılar hāk

يَا حَسْرَةً عَلَى الْعِبَادِ مَا يَأْتِيهِمْ مِنْ رَسُولٍ  
إِلَّا كَانُوا بِهِ يَسْتَهْزِئُونَ

İy hasret ol 'ibāda itdi 'işyān  
Kıyāmetde olalar ehl-i husrān

Ki istihzā ide peygamberine  
Peşimān olup ol günde yirine

**225** Fe-emmā eylemeye sūd u fāde  
Bula her biri cürminden ziyāde

أَلَمْ يَرَوْا كَمْ أَهْلَكْنَا قَبْلَهُمْ مِنَ الْقُرُونِ  
أَنَّهُمْ إِلَيْهِمْ لَا يَرْجِعُونَ

Ki ya'nī görmediler mi ki bunlar  
Helāk itdük nice nice qarınlar

Çü bunlar ilerü hep oldılar çok  
Ki gitdi bu yaña gelmezler ayruq

وَإِنْ كُلُّ لَمَّا جَمِيعٌ لَدَيْنَا مُحْضَرُونَ

Ki ya'nī cümle hāk ola muhaqqak  
Katumuzda bizüm maḥzūr-ı muṭlak

Eger hayr u eger şer hep cezāsın  
Bulalar her neyise mā-'adāsın

**230** Buyurur ḥazret-i faḥr-i dü-'ālem  
Ve şallā'llāhü 'aleyhi ve sellem

Ki sizden kalmaya hīç kimse illā  
Su'al ide aña Allāh ta'alā

[v. 9<sup>b</sup>]

O hâletde Hâk ile ara yirde  
Ne tercümân ola anda ne perde

Göre a'mâlini şağ u şolında  
Tamu odın göre bağa yolında

Su'âl ide o dem beş nesneden Hâk  
Nedür ol beş nazâr eyle oñat bağ

**235** Diye ne yirde itdüñ 'ömri fânî  
Ne nesnede çürütdüñ di cüvânî

Neden kesb eyledüñ mâluñı diye  
Neye şarf eyledüñ hâlûñi diye

Dağı 'ilmüñle ne itdüñ 'amel sen  
Ki sen kimüñledüñ senüñledüm ben

Seni ne nesne aldadı di huccet  
Ki baña itmedüñ anda 'ibâdet

Tıtalum yine biz söz başına yol  
Diyelüm anı kim size gerek ol

**240** Bu aşhâb-ı kūrâyı itdi kışşa  
Hâk anuñçün alasin sen de hişşe

Bu âyâtı anuñçün virdi Settâr  
İderler birliğine cümle ıkrâr

وَأَيَّةٌ لَهُمُ الْأَرْضُ الْمَيْتَةَ أَحْيَيْنَاهَا  
وَأَخْرَجْنَا مِنْهَا حَبًّا فَمِنْهُ يَأْكُلُونَ

Olur birliğine bu Tañrınuñ dâl  
Kılur ölmüş yiri ihyâ o fa'‘âl

Bitürür dağı yimişlerle dâne  
Dağı otlar bitürür dâne dâne

Bitürür dağı envâ'-ı şüküfe  
Qoqarlar kavm-i Başra ehl-i Küfe

- 245** Ki yirler o yimişden nev'-i insân  
Hem otlar yaprağından ba'z-ı hayvân  
[v. 10<sup>a</sup>]

وَجَعَلْنَا فِيهَا جَنَّاتٍ مِّنْ نَّخِيلٍ وَأَعْنَابٍ  
وَفَجَّرْنَا فِيهَا مِنَ الْعُيُونِ لِيَأْكُلُوا مِنْ ثَمَرِهِ  
وَمَا عَمِلَتْهُ أَيْدِيهِمْ أَفَلَا يَشْكُرُونَ

Ki ya'nî yir yüzinde nice bostân  
Yaratduq yiyeler eşmârın insân

Akıtduq anda bir nice 'uyûnı  
Halâyık içeler anuñ şuyunu

Yiyeler ol ta'âmından olanı  
Ki elleri ile düzdiler anı

Kimi anuñ 'ineb kimisi 'unnâb  
Kimi hürmadur anuñ ba'zı dūşâb

- 250** Ki ya'nî biz yaratduq bunca ni'met  
Ki şükr itmez mi anlar çanı gayret

Haquñ birliğine eyler delâlet  
Çıyâmet günine dağı bu âyet

Çurumuş yirlere virür hayâtı  
İder tâze mahtarla her nebâtı

Dağı güz olıcaq kurudur anı  
Ölü gibi kıomaz cisminde cânı

Delîl oldı bu aña kimse mâni'  
Degüldür hükmine emrine dâfi'

- 255** Her işde hüküm ider nice dilerse  
Aña âsândurur her ne iderse

Vezîri yok şerîki yok o şâhuñ  
Güvâhıdur bu sözler ol İlähuñ

Ki zehr-i zemherîrle rüy-ı her-câ  
Çararup yanmış iken eyler ihyâ

Bahāruñ faşlını ol t̄āhir ü pāk  
Bu arz-ı meytete kıldığı tiryāk

[v. 10<sup>b</sup>]

Delāletdür kıyāmetde bu āyāt  
Diri olduqlarına cümle emvāt

**260** Buyurur ol Rasūl-i faḥr-i 'ālem  
Ki urur yarası olana merhem

Kaçan kim görseñüz faşl-ı bahārı  
Kıyāmet günün eyleñ yādigārī

Ne hoş beñzer kıyāmet günine ol  
Ki teşbīh olduğına budurur yol

Ki bir kaç vech iledür aña ta'bīr  
İdelüm her birin taḥrīr ü taḥrīr

Budur evvelki vechine işāret  
Ki yir altındağı olan nebātāt

**265** Bahār olsa gelür cümle zuhūra  
Kimi māra ğidādur kimi mūra

Kıyāmetde daḥı budur hikāyāt  
Vücūda geliserdür cümle emvāt

İkinci veche bu oldı işāret  
Bahār itmek murād itse irādet

Kime rāḥat olur bu kime miḥnet  
Buña benzer hemān rüz-ı kıyāmet

Kimine şādlıkdur kime ğuşşa  
Alur bu behreden her kişi ḥişşe

**270** Üçüncü veche budurur işāret  
Ki idrāk eyle sözi añla ḥikmet

Şular kim oldılar yazın fütāde  
Ta'āmin yābis itmişdür şitāda

Bahār olsa olur dürlü sebebler  
Belürür gövdede ḳahr u cerebler

Uyup nefesine kim yirse h ar amı  
Dađı her Ő bhel  olan ta' amı  
.....<sup>6</sup>

[v. 11<sup>a</sup>]

Ki ya'n   dem n ođlanlarını  
Gemide Őađklaruz olanlarını

**275** Ki ol f lk n ne eli var ne p y   
Ki anuñ r y-ı dery  oldu c y 

Egerĉi c nı yođ dery da gezer  
Ki c nlu gibi Őu iĉinde y zer

Ki olur bir mađalde Ő yle  alur  
Ki on g nl k yolu bir g nde alur

Del l oldu dađı Őol nesnelere siz  
Olara merkeb n zd r binersiz

Kimin n yirsiz etin kimine y k  
Urursuz  stine k ĉ k ya b y k

**280** Őol  Őt r gibi dađı fil eger at  
Eger gevd r eger b zd r eger Ő t

Bular gibi t v nger c navar   
Musah har eyledi size o B r 

وَأَنْ نَّشَأُ نَعْرِفُهُمْ فَلَا صَرِيحَ لَهُمْ وَلَا هُمْ يُنْقَدُونَ  
إِلَّا رَحْمَةً مِنَّا وَمَتَاعاً إِلَىٰ حِينٍ

Eger dilersev z biz anları ğarĉ  
 dev z itmeye kimse birin fark

Ki ya'n  anlaruñ m rdelerine  
 riŐmeye 'in yet hiĉ birine

Meger kim gir  bizden ola rađmet  
Ki anlardan ola ta' h r   zađmet

**285**  oyavuz bu cih nda biz o c nlar

<sup>6</sup> Buradan itibaren 7  yetin (35-42) tefsir edildiđi varaklar kopmuŐtur.



Ecel vaktine dek yürüye anlar

وَإِذَا قِيلَ لَهُمُ اتَّقُوا مَا بَيْنَ أَيْدِيكُمْ  
وَمَا خَلْفَكُمْ لَعَلَّكُمْ تُرْحَمُونَ

Buyurur ya'nî ol hayy u tüvâna  
O 'allâmül-guyüb ol ferd-i dānā

[v. 11<sup>b</sup>]

Çaçan dinilse kâfirlere sözden  
Ki kôrkuñ öñüñüzden şönuñuzdan

Ĥudādan ola kim rahmet bulasız  
Ki anuñla Ĥaqa lâyıq olasız

Ne deñlü itseler böyle naşihat  
Çabül itmezler anı ehl-i şirket

**290** Didügi *mā-beyne eydiküm* esbağ  
Ki cürm-i māzīye ıtlāk ider Ĥağ

**Ve mā-ħalfek** didüğinden murādi  
Ki müstağbel vebālidür o Ĥādī

وَمَا تَأْتِيهِمْ مِنْ آيَةٍ مِنْ آيَاتِ رَبِّهِمْ  
إِلَّا كَانُوا عَنْهَا مُعْرِضِينَ

Buyurur ya'ni kim ol ferd-i vāhid  
Olur da'vātına āyātı şāhid

Ki gökden gelmeye budur işāret  
Ĥağun āyetlerinden hiç bir āyet

Eger birdür eger biñdür eger yüz  
Ve illā anlar andan döndürür yüz

وَإِذَا قِيلَ لَهُمُ أَنْفِقُوا مِمَّا رَزَقَكُمُ اللَّهُ  
قَالَ الَّذِينَ كَفَرُوا لِلَّذِينَ آمَنُوا  
أَنْطَعِمُ مَنْ لَوْ يَشَاءُ اللَّهُ أَطْعَمَهُ  
إِنْ أَنْتُمْ إِلَّا فِي ضَلَالٍ مُبِينٍ  
وَيَقُولُونَ مَتَى هَذَا الْوَعْدُ إِنْ كُنْتُمْ صَادِقِينَ

**295** Kaçan mü'minler eytse ehl-i küfre  
Ki ya'nî size Hâkdandır bu behre

Taşadduğ eyleñ ol nesne ki Allâh  
Size virmişdürür rızkından ol şâh

Pes ol kâfirler itdiler ta'âmı  
Virelüm mi bize lâyıq ola mı

Şu kimselere kim Allâh ta'âlâ  
Dilese anlara eylerdi i'tâ

[v. 12<sup>a</sup>]

Bilürsüz siz ki bize Tañrı virdi  
Varuñ size de virsün Tañrı vir di

**300** Size çün Tañrıñuz virmedi nânı  
Ya biz nice virelüm size anı

Siz azğunlarsuñuz kim rüz idersiz  
Koduñuz Tañrıyı bizden dilersiz

Bu sözde vech-i telbîs ile anlar  
Bu nev'a didiler nice yalanlar

Ki infâk itmeyelüm diyü küffâr  
Didi mü'minlere bu resme güftâr

Hîtab eyleyüp eydür Hâk ta'âlâ  
Dâlâlet sizdedür iy gebr ü tersâ

**305** Taşadduğ itmeyelüm diyü huccet  
İdersiz mü'minîne böyle 'illet

O mü'minler recâ itdüğü sizden  
Ki ma'nîde dilerler anı bizden

Ki zîrâ size de biz virürüz rüz  
Ki yir içre giresiz her şeb ü rüz

Hâkîkatde sizüñ de mâluñuz heb  
Benümdür dir 'itâb eyleyüp ol Rab

Didi kâfirlere ol ehl-i îmân  
Taşadduk virüp olmazsız müselmân

**310** Kıyâmetde ne virürsüz cevâbı  
İdicek Hâk hîṭâb-ı müsteṭâbı

Didi kâfirler ol va'de kılırsız  
Çaçan ola didiler ne bilürsüz

İdüp kâfirlere Bârî hîṭâbı  
Ki mü'minler yöninden bu cevâbı

Virüp bu âyetini itdi irsâl  
Nice dilerse işler çün o fa'âl

[v. 12<sup>b</sup>]

مَا يَنْظُرُونَ إِلَّا صَيْحَةً وَاحِدَةً  
تَأْخُذُهُمْ وَهُمْ يَخِصِّمُونَ

Ki ya'nî buyurur ol bende-perver  
O kâfirler degüller muntazırlar

**315** Çü İsrâfîlün illâ şayhasına  
Bu cür'et böyle bularuñ nesine

İnanalar işidüp ol şayâhı  
Ki bunlaruñ mesâ ola şabâhı

Ki nâ-geh ire ol şayha bulara  
Uyurken h<sup>v</sup>âb-ı ğafletde uyara

Huşümetde bular âzâr iderken  
Kimi şatu kimi bâzâr iderken

Buyurur bir nişânında yine Hâk  
Budur ma'nî me'âline oñat bağ

لا يَأْتِيكُمْ إِلَّا بَغْتَةً

**320** Kıyâmet gelmeye añsuzda illâ  
Gele dir buyurur Allâh ta'âlâ

Dağı buyurur ol şâh-ı risâlet  
Ki şöyle añsuzın gele kıyâmet

Ki hattâ bir kişi tavarların dir  
Şuvarur iken ol giç ola ya ir

Ya kumaşın şatarken ya terāzū  
Elinde nesne tütarken ola bu

Dağı bir kişinūñ ağızında ni‘met  
Yiye yürür iken kıpa kıyāmet

فَلَا يَسْتَطِيعُونَ تَوْصِيَةً  
وَلَا إِلَىٰ أَهْلِهِمْ يَرْجِعُونَ

- 325** Ki ya‘nī şöyle tiz kıpa kıyāmet  
Vaşiyet itmege olmaya tāḫat  
[v. 13<sup>a</sup>]

Esenleşimeyeler birbiriyle  
Oğul ata ile ‘avret eriyle

وَنُفِخَ فِي الصُّورِ

Ki üç kerre urıla ya‘ni kim şür  
Ezel güninde böyle oldu meşür

Şekilde bir qarın gibidür ol şür  
Turur İsrāfilūñ ağızında maḫzür

Eger ḫayvān u sā‘irdür ger insān  
Ki şür içindedür bu cümleten cān

- 330** Olupdur muntazır ol şür elinde  
Ḥaḫı tesbīḫ ider dāyim dilinde

Ne vaḫtin kim ide emr ol tūvānā  
Ki şürü ür diyü Allāh ta‘ālā

Hemān İsrāfil üre şürü ol dem  
Yirinde ḫarc ide maḫdūri ol dem

Yaḫın ola kaçan rüz-ı kıyāmet  
Belüre ḫalk içinde çok ‘alāmet

Çok ola fişḫ ile ḫalkuñ fesādı  
İdeler birbiri ile ‘inādı

- 335** ‘İlim götrüle ḫalmaya ‘ameller  
Kılalar yok yire tül-ı emeller

Biri de her kişi ‘ādetleriyle  
Bu fānī dūnyenūñ lezzetleriyle

Batup gafletlere işlü işinde  
Yürürken her biri tuşlu tuşında

O dem İsrâfile hüküm ide Allâh  
Ki şûnî ür diyü emr ide nâgâh

Ki İsrâfil üre bir kerre şûnî  
Düşe halk heybetinden bir uğurî

[v. 13<sup>b</sup>]

**340** Ola her birisinün zehresi çāk  
Düşüp yüzleri üzre olalar hāk

Yatarlar bir zamân bî-'aql u bî-hüş  
Ola ol şayhadan her biri ser-ħoş

Birezdan gele 'aqlı başlarına  
Ki hayrân olalar Hāk işlerine

Bağalar göklere turur yirinde  
Nücümü yine şābit her birinde

Yire baqup göreler iy qarındaş  
Turur yirlü yirinde tağ ile taş

**345** Diyeler ra'd imiş bu şayha illā  
Katı olup bizi denk itmiş iyvā

Ki her birisi ola yine meşğül  
Yimege içmege az u eger bol

Gelüp her biri yine bir araya  
Ki evvelki gibi bey' ü şirāya

Çarışup bir zamân virüp alalar  
Bu şūruñ şavtını ğayrı şanalar

Zamāndan soñra yine Hāk ta'ālā  
Ki İsrâfile emr idüp diye yā

**350** Ki şûnî bir dağı ür diye üre  
O heybetden ħalāyık baqa göre

Ola göklerle yirler müteħarrik  
Ki böyle eyleye anı muħarrik

İrişe zelzele arz u semāya  
Ki perrān olalar ʔağlar hevāya

Ki gökler yarılıp döküle encüm  
ʔutulup ay ile gün olalar güm

Deñizler ʔaynaya yidi deñizler  
Bir ola ʔorʔudan uça beñizler

[v. 14<sup>a</sup>]

**355** Şoğulup gide ol da ol zamānda  
Ki bir ʔatre şu ʔalmaya cihānda

O heybetden ne varsa cümle maḥlūk  
Helāk olalar olup her biri yok

Meger ‘arşı götürenler ʔalalar  
Ḥudā emr ide anlar da öleler

Pes öle cümle ʔala dört ferişte  
Ki ol dördüñ biri Cebrā’il işte

O dördüñ birisi daḥı Mikā’il  
Birisi oldı İsrāfil-i fā’il

**360** Birisi daḥı ‘Azrā’ildür anuñ  
Melā’ik-i muḥarrebler olanuñ

Pes emr eyleye ‘Azrā’ile Allāh  
Diye al cānın anlaruñ da nāgāh

Pes ‘Azrā’ile de emr ide ʔahhār  
Ki sen daḥı senüñ cānuñı al var

Döşeye bir ʔanadın altına ol  
Birisin daḥı üstine o maḥbūl

Ki zār u zār olup nālān u giryān  
Diye bileydüm iy ḥükm issi sultān

**365** Ki cān acısını şarp olduḡın ben  
Hiç ādem cānın almazdum bedenden

Daḥı bir kerre şöyle ide feryād  
İrişmeye anuñ feryādına dād

Eger mürde olan zinde olaydı  
Diri 'âlemde bir kes qalmayaydı

Helâk olaydı feryâdın işiden  
Revân olaydı cânı her kişiden

Pes 'Azrâ'il dağı teslîm idüp cân  
Diri qalmaya yirde gökde bir şân

[v. 14<sup>b</sup>]

**370** Hemân bâķī qala Allāh ta'ālā  
Fenāısı yoķdur anuñ hergiz aślā

Haberde şöyle gelmişdür ezelden  
Bu āyet gelicek ol lem-yezelden

كل نفس ذائقة الموت

Ki ya'nī her nefis tatsa gerekdür  
Ölümüñ şerbetin yutsa gerekdür

İşidicek bunu cümle melā'ik  
Eger yüzdür eger biñdür eger yek

Sevinüp didiler çün şürb-i mevte  
Nüfūs ehli içermiş cām-ı fevte

**375** Çü bizde nefis yoķdur ölmezüz biz  
Ölümdeñ bākümüz olmaya hergiz

Hemân bu āyeti göndürdi Hādī  
Ki gitdi bunlaruñ da ağız dadı

كل من عليها فان ويبقى وجه

ربك ذو الجلال والاکرام

Helâk olsa gerekdür cümle eşyā  
Hemân bâķī qala Allāh ta'ālā

Feriştehler işidüp bu nişānı  
Ki bildi olduğın anlar da fānī

Pes olup cümleten maħlūk mevte  
Ki andan soñra ol Allāh ta'ālā

- 380** Yiri gögi dürüp tomâr idüp Hağ  
Ala kudret yedine ferd-i muṭlak
- Diye kanı benüm rızķum yiyenler  
Baña ṭā‘at ‘ibādet itmeyenler
- Ḳanı cebri olan ol münḫarifler  
Şifāt-ı kibriyāyı muttaşiflar
- [v. 15<sup>a</sup>]  
Ḳanı ol mülk benüm ḥükm ü ḥükümet  
Diyüp da‘vā iden ehl-i riyāset
- لمن الملك اليوم  
Diye bugün kimüñdür mülk ḳanı  
Girü kendü cevābın vire anı
- الله الواحد القهار
- 385** Ki ya‘nī mülk Allāhuñdurur bir  
Durur ḳahhār u ḳāhirdür o Ḳāhir
- Pes andan bu fenā-yı dār-ı ğaddār  
Baḳāsı olmayan dünyā-yı mekkār
- Yata kırķ yıl ḳadar vīrān u ḥālī  
Pes andan şoñra ol sübhānū ‘ālī
- Ki ‘arş altında bir deryā-yı beyzā  
İdüpdür ḳudretinden anı peydā
- Şu aḳ süd gibidür ol baḫr iy cān  
Ki dirler anuñ adın baḫr-ı ḫayvān
- 390** Tamām kırķ gün bir eksüksüz o sulṭān  
Ki yağdura o yemden yire bārān
- O ḫāk olmuş bedenlerle sünükler  
Daḫı ol çürümiş etler kemükler
- Bahār eyyāmı vaḳtinde nebātāt  
Biter gibi biteler cümle emvāt
- Daḫı buyurur ol sulṭān-ı server  
Bedende cümleten çürür kemükler



Ve illâ üstüh<sup>v</sup>ânı kâlça tende  
Çürümez ba'zı a'zâ gibi ten de

**395** Beden olur anuñ üstine bünyād  
Ki böyle didi ol mümtāz-ı evlād

[v. 15<sup>b</sup>]

Pes andan soñra ol Hällāk-ı muṭlak  
En evvel eyleye İsrāfilî halk

Ki emr eyleye ol dem üre şūrı  
Yine ihyā için ehl-i kubbūri

ايها العظام النخرة والجلود البالية

Di kim iy çürümiş tenler süñükler  
Ve iy toprak olup yatan ilükler

Diye kim iy derīde\_olmuş deriler  
Diye iy kendüden olan berīler

**400** Dağı diye iy şoğulmuş tamarlar  
İy büzilmiş boyunlar ile serler

İy tağılup yatan saçlar sakallar  
Ṭuruñ iy tayman ayaklar eller

İy deryālarda ğarķ olan bedenler  
Ve iy toprak olan ķuruda tenler

Diye iy cānavarlar ķurşağında  
Eriyenler şolında vü şağında

Ṭuruñ yukarı bugün 'arz-ı ekber  
Olupdur cem' oluñ bir yire yek-ser

**405** 'Araşāt arzına varuñ emekdür  
Şoru ile hisāb olsa gerekdür

Ṭura bu cümle maḥlūkāt ol dem  
Şol uyķudan uyanır gibi serssem

Ki baş kalduralar ol demde her pā  
Nitekim buyurur Allāh ta'ālā

فَإِذَا هُمْ مِنَ الْأَجْدَاثِ إِلَى رَبِّهِمْ يَنْسِلُونَ

Ki şür ürüliccek ya'nī ḫalāyık  
Ki mest olmuş iken olalar ayık

[v. 16a]

Ṭuruban merḳadından vara maḫlūk  
'Araşāt arzına az u eger çok

قَالُوا يَا وَيْلَنَا مَنْ بَعَثَنَا مِنْ مَرْقَدِنَا هَذَا مَا  
وَعَدَ الرَّحْمَنُ وَصَدَقَ الْمُرْسَلُونَ

**410** Ki ya'nī eydeler iy vāy bize  
Bizi kim olmuş iken rīze rīze

Bizi kim yatduğumuzdan ḳopardı  
Ki dermān eylemişken bize derdi

Ki zīrā ol ḳihil-sāl içre āyā  
Guristāndan 'azāb götüre Mevlā

Ki ya'nī her birisi olup iḫyā  
Şol uyḫudan uyanmış gibi ola

Diyeler bizi kim eyledi bī-dār  
Uyurken uyḫumuzdan çār u nā-çār

**415** Ki çünki bileler ḳopmış ḳıyāmet  
İde her birisi yüz biñ nedāmet

Bu ol va'de günidür diyeler vā  
Dimişdi bize Allāhü ta'ālā

Diyeler daḫı ol pūsīde serler  
Ki gerçek dir idi peygāamberler

Olup sā'ī 'ilimde vü 'amelde  
Kim eydür ba'zılar işbu maḫalde

Bu söz isnād olundu mü'mināna  
Ki tevbīḫ itmek içün münkirāna

إِنْ كَانَتْ إِلَّا صَيْحَةً وَاحِدَةً

فَإِذَا هُمْ جَمِيعٌ لَدَيْنَا مُخَضَّرُونَ

**420** Ki ya'nî ol kabirden kıparan halk  
Degüldür illâ İsrâfilüñ ancağ

Ki bir şayhasıdır bir şayha birle  
Ölüp bir şayha birle girü dirle

[v. 16b]

Şamu mü'minler ü tersâ vü kâfir  
Şatumuzda bizüm hep ola hâzır

### SU'ÂL

Ne şurbiyyet ola Tañrı ta'âlâ  
Şatında kâfire kim diye Mevlâ

Ki bizüm şatumuzda ehl-i küffâr  
Olalar dimeđe hikmet ne iğzâr

### CEVÂB

**425** Murâdı şurbdur şurb-ı hisâbı  
Dur Allâhuñ dağı şurb-ı 'azâbı

Degüldür ya'nî kim şurb-ı kerâmet  
Ki böyle didüğine budur 'illet

Arada vâsiğa olmaya aşlâ  
Şora her nesneyi Allâh ta'âlâ

فَالْيَوْمَ لَا تَظْلَمُ نَفْسٌ شَيْئًا  
وَلَا تُجْزَوْنَ إِلَّا مَا كُنتُمْ تَعْمَلُونَ

Bugün ya'nî kıyâmet günüdür hiç  
Kimesneye zulüm yok ir eger giç

Dağı görmeyesiz dir Hağ ta'âlâ  
Olan a'mâlünüze göre illâ

**430** Bileler bu ikinüñ muğtezâsı  
Ne imiş 'âmil olana cezâsı

Ki zîrâ Hağ ta'âlâ ins ü perrî  
Yaratdı 'ağl virdi hayr u şerri

Hayr işleyene hayr olacağın  
Ki bildürdi şer iden bulacağın

Dağı virüp 'aṭā eyledi Bārī  
Her ādem oğlanına ihtiyārī

[v. 17a]

O kim ḥayr ihtiyār itdi rızāsın  
Bulur ḥayr itdügünün ol cezāsın

**435** O kim şerr ihtiyār itdi cezāsı  
Aña göre olur āḥir cezāsı

Pes imdi her kişi ḥayr u eger şer  
Ne kim itse cezāsını bulısar

Ki hīç kimseye zūlm itmez ezelden  
Nişān bu resmedür ol lem-yezelden

فمن يعمل مثقال ذرة خيرا يره

ومن يعمل مثقال ذرة شرا يره

Meger günlerde bir gün içre Behlül  
'Azīmet eylemiş idi tıttup yol

Didiler aña ḳandandur gelişün  
Nedür bu yolda endişeñle işün

**440** Eyitdi ṭamudandurur gelişüm  
Od almağıdı andan benüm işüm

Velākin bulmadum ben anda odı  
Ne odun vardurur anda ne düdı

Didiler ne 'aceb söz bu ṭamuda  
Ḥad u pāyān olur mı anda oda

Didi her kişi odı bundan anda  
Eliyle iltür arama yabanda

Yine söz başına varalum irden  
Ḥalāyık çünki ṭuralar ḳabirden

**445** Baş açuḳ yalın ayaḳ aç u 'uryān  
Ciger biryān u teşne dāde giryān

Ki biñ yıl anda ser-gerdān olalar  
Ki her birisi ḥayretde ḳalalar

Velî mü'minlere bu elf olan 'âm  
Ki bir sâ'atca gelmeye ol eyyâm

[v. 17<sup>b</sup>]

Rivâyetdür ki eyler ehl-i ahbâr  
Meger 'Âyişe-i Şiddîka iy yâr

Didi kim yâ Rasûla'llâh 'uryân  
Çopar mı anda 'avretler de iy cân

**450** Eyitdiler beli 'uryân çopalar  
Ne var ise çamu âl u abâlar

Eyitdi 'Âyişe giryân olup vâ  
Ki hâtûnlar olur ol günde rüsvâ

Didi aña Rasûlu'llâh-ı hâkim  
O gün yâ 'Âyişe bir gündürür kim

Kişi kendüyi 'avret midür er mi  
Bilimeye dağı geç midür ir mi

Bu kanda kaldı ğayrı göre peydâ  
Didi ol muğtedâ-yı ehl-i bînâ

**455** Yine söz başına idüp şurû'ı  
Beyân eyleyelüm aşl u fûrû'ı

Ferîştehler alup halkı gideler  
Ki maşşer yirine hâzır ideler

Olar kim dünyede şâlih 'ameller  
Kılup itmişler idi hûb emeller

Olara ol 'amel zenden ü erden  
'Înân u zeyn ola ol sîm ü zerden

Bineler nürdan bunlar burâka  
Varalar ger yakın u ger ıraça

**460** Varalar bî-elem maşşer yirine  
'Ağalar ola Hâğdan her birine

Olar kim bed-'amel olmuşdı pîşe  
Hemân bâr-ı girân ol dem irişe

Uralar ol yüki arķalarına  
Süreler anları maḥşer yirine

[v. 18<sup>a</sup>]

‘Amellerine göre her baş ayak  
Kimi yüz üstine kimisi yayaķ

Sürüni sürüni maḥşer yirine  
Varalar kim sevine kim yirine

**465** Pes andan emr ide ḥurşide Bārī  
Ṭuta başları üstinde kararī

Ağır yük arķalarında daḥı hem  
Ola dört yanları nār-ı cehennem

Yukarudan güneş aṣağadan od  
Ḥarāret bunları eyleye maḥdūd

Kimi biline dek kimi dizine  
Tere batup çıķa dizi gözine

‘Araķ içinde kimisi ola ğarķ  
Ki itmeye ‘araķdan kendüyi fark

**470** Teri yetmiş zirā‘ yirden aṣağı  
Giçe bu ola bunların ṭurağı

Pes ol gün gölge bulunmaya aṣlā  
Meger kim sāyebān-ı ‘arş-ı a‘lā

Pes ol vaķtde yidi dürlü ṭavāyif  
Alalar sāye-i ‘arşdan vezāyif

Biri ‘ādil meleklerden ikinci  
Yiğitlüğinde anlar buldı genci

İdüp tevbe kıluṭ ṣālīḥ ‘ameller  
Bular ola bu iḥsāna maḥaller

**475** Üçünci mescide olup mülāzım  
‘İbādet kılmagiçün ola kāyim

Budur dördünci Tañriçün erenler  
Biri biri ile dostluķ idenler

Beşincisi budur anuñ taħaḳḳuḳ  
Ki maḥfî ola virdügi taşadduḳ

[v. 18<sup>b</sup>]

Budur altıncı şu kim her cihetden  
Ola fâriḡ maḥall-i ma'siyetden

Utanup işlemeye ol günâhı  
Ki ḥâzır göre her yirde îlâhı

**480** Yedincisi budur añup günâhın  
Gözi yaş aḳıdup artura âhın

Bu yedi t̄âyifeye Ḥaḳ ta'âlâ  
Ki 'arşı sâyesinde vire me'vâ

Ḳala bâkî ḥalâyıḳ biñ yıl anda  
Ol ıssıda yanalar ol zamânda

Pes andan bu ḥalâyıḳı süreler  
Ḳarañlıḳ bir araya irüreler

Olar kim mü'min ü müslim olalar  
Ki bir sâ'atda zülmetden çıḳalar

**485** Ola her birisinüñ yüzleri aḳ  
Güneş gibi münevver ola âfâḳ

Olar kim kâfir ü tersâ olalar  
Ki biñ yıl ol ḳarañuda ḳalalar

Ki biñ yıl olicaḳ andan çıḳalar  
Olup her birisi yüzi ḳaralar

Pes andan şoñra bu ḥalkı süreler  
Ḳamu arz-ı ḥisâba irüreler

O yirde on serâ-perde bulalar  
Ki her bir perdede biñ yıl ḳalalar

**490** Daḫı her perdede bir güne hem-vâr  
Su'âl ola bulara anda tekrâr

Evel perdede ḥurmetden şoralalar  
İkincisinde şehvetden şoralalar

Üçüncisinde atadan anadan  
Şora dördüncide āl u abādan

[v. 19<sup>a</sup>]

Beşinci perdeye çün el uralar  
O dem kıldan karavaşdan şoralar

Hem altıncıda kıavm u akrabādan  
Yedinci perdede rahm-ı şilādan

**495** Sekizincide şoralar hasedden  
Toğuzuncıda inkâr-ı aħaddan

Onuncı perdede ğıybetden ola  
Su'āl itdükleri ol yirde kıula

Buları her ki şaklamış ola ol  
Ki bir sâ'atde bunlardan bula yol

Ki her kim bunda taķşîr itmiş ola  
Koyup toğruyu egri gitmiş ola

Qalup her perdede biñ yıl olup zār  
Olalar kendülerden cümle bîzār

**500** Süreler yine bu halkı oraya  
Bitileri oқunduğı araya

Ki biñ yıl daħı ol yirde qalalar  
Kılalar bunlara cevr ü cefālar

Yesārı ger yemīni her birine  
Sevinmek yirine bunlar yerine

Yaralar ba'zısinuñ arқasını  
Çeküp çāk eyleyeler yaқasını

Bağırından elin taşra idüp cer  
Bitisin şol eline vire dāver

**505** Daħı emr eyleye ol şāh-ı dāver  
Oқuñ a'mālūñüz her neyse yek-ser

Ne itdūñüzse dünyāda göresiz  
Gözūñüzle görüp alup viresiz



Açalar her birisi nâmesini  
Çeküp çâk ide bunlar câmesini

[v. 19<sup>b</sup>]

Eyülük eyleyen bula cezâsın  
Aña göre yine hem mâ-'adâsın

Pes andan süreler mîzân yirine  
Çamusın kim sevine kim yerine

**510** Ki mîzân 'arş öñinde bir terâzû  
Çurılmışdur olup keffeyni cādû

Müvekkeldür anuñ üstinde Mîkâl  
Ki tartılır iki keffinde a'mâl

Şağında keffesinüñ tura Rızvân  
Hâzîne-dâr-ı cennetdür o sulţân

Sürüş-ı rahmet ola anda hâzır  
Yanında olalar emrine nâzır

Ola tâc ile hülle ellerinde  
Şenâlar cârî ola dillerinde

**515** Kimüñ kim ola hayrı şerre ğâlib  
Vireler hülleyi egnine alup

Gideler bindirüp anı burâka  
Varalar cennet içinde turaça

Ûura şol keffesinde çok zebânî  
Sözinüñ dadı yok acı zebânî

Ola oddan kabâlar ellerinde  
Ki düşnâm ola sözi dillerinde

Dağı oddan selâsillerle ağlâl  
Ûuralar ellerinde tütup a'mâl

**520** Kimüñ olsa girân şerri hayırdan  
Ûutarlar anı anlar bir uğurdan

Virürler cismine oddan kabâyı  
İderler cânına cevr ü cefâyı

Bu resme olduğundan şöıra ahvāl  
Ayağına ururlar oddan ağılāl

[v. 20<sup>a</sup>]

Țakup zencir-i nārı gerdenine  
Süre süre yüzün rüy-ı zemîne

Çeke çeke alup andan giderler  
Cehennemde ‘azāb-ı saht iderler

**525** Buyurur ol şefi‘-i kavm-i ümmet  
O şāhib-devlet ü ehl-i sa‘ādet

Getürüp bir kişiyi ümmetümden  
Tevaqqu‘ eyleyeler himmetümden

Şaçalar üstine toksan toktuz nār  
Ki her biri ola bir pāre tōmār

Ola her nāmenüñ tūlı inince  
Ki başdan ayağa göz irmeyince

Yazılmış ola içinde günāhı  
Diye ol pādışehler pādışāhı

**530** Benüm katumda yā kulum bulara  
Sen inkār itmege ola mı çāre

O miskīn eyde hāşā yā İllāhī  
Ki düşmiş kullaruñ sensin penāhı

O kula yine diye Hāq ta‘ālā  
Benüm kullaruma yok ğayr-ı Mevlā

Ki benden zulm gelmez ‘ādilem ben  
Benüm ihsānuma gel lāyıq ol sen

N'ola varsa katumda seyyi‘ātuñ  
Çayırma kim ma‘ādur tayyibātuñ

**535** Pes andan şöıra bir barmaq kadarca  
Şu bir nāme ki tūlı ini ince

Çoyalar bu biri keffe mizāna  
Uyar mı göreler vezni miyāna

Bu bir 70san 70kuzdan ola sengin  
İdeler bunuñ evzânına taħsîn

[v. 20<sup>b</sup>]

Bu bir bitide bu ola kitâbet  
Ki mazmûnında ola bu şehâdet

أشهد ان لا اله الا الله واشهد ان

محمدًا عبده ورسوله

Ki bundan 70nra diye Hâk ta'âlâ  
Saña bu sözle cennet oldı me'vâ

**540** Degüldüñ dünyede bundan cüdâ sen  
Anuñçün yancuñ oldum senüñ ben

Girân itdüm mizânuñ himmetümle  
Yüri gir cennetüme raħmetümle

Meger 'Âyişe-i Sıddıka nâgeh  
Su'al idüp Rasüle oldı âgeh

Didi bu yâ Rasûla'llâh ola mı  
Kıyâmetde Rasül ehlin aña mı

Didi üç yirde ol luğ ile mu'tâd  
Ki kimse kimseneyi itmeye yâd

**545** Birisi oğuna nâmeler anda  
Biri dağı mizân qurula qanda

Birisi de şırâṭ ola bu üçüñ  
Meşakḳat ola yolları bu göçüñ

Bu üç yirde ħalâyıq ola ħayrân  
Ki bilmeye özünü bende sultân

Süreler ħalkı mizândan şırâṭa  
Geçid başın ideler ħalk iħâṭa

Şırâṭ ol bir garâyib köbridür ol  
Ki üç biñ yıl menâzildür aña yol

**550** Biñi yoķuř biñi iniř biñi düz  
Ne ay aydını var anda ne gündüz

Ki kıldan incedür keskin kılıçdan  
Ki anuñ farķ olunmaz bařı kıçdan

[v. 21<sup>a</sup>]

Cehennem üzredür gören belikler  
Eser yel gibi altında yelikler

Zebāniler çeker çengelleriyle  
Düşüre oda ĥalkı elleriyle

Yedi yirde su'āl ideler andan  
Eñ evvel řoralar dīn ü imāndan

**555** İkinci diyeler n'itdün řalātı  
Üçüncide çıkardun mı zekātı

Diye dördüncide tutdun mı rüze  
Kirām itdün mi ol devletlü rüze

Beřinci ĥacdan ideler su'ālī  
Cevābı olmayanun n'ola ĥālī

Şeřümde řoralar ĥusl ü vuzūdan  
Yedinci koñřılıķdan yaĥřı ĥūdan

Eger bunlarda itdi ise taķřır  
Ola her mes'ele biñ yıl aña yir

**560** Kıyāmet elli biñ yıl olduđı yol  
Bularun i'tibāri iledür ol

Kıyāmet elli mevķıfdur varalar  
Ki her mevķafda biñ yılca řuralar

Velī mü'minlere bir sāt ola  
Bular ol miĥnet içre rāĥat ola

Geçe evvel řırātı faĥr-i 'ālem  
Şaĥīĥ olan budur Allāĥü a'lem

Şırātun varuban řađında řura  
Du'ā idüp yüzün dergāha ura

**565** Şoralar dağı zulm ile sitemden  
Ne aşşı kişiye ol gün nedemden

Du'asında bu ola 'arz-ı hâcet  
İlâhî ümmetüm eyle selâmet

[v. 21<sup>b</sup>]

Ĥalâyık çün şırâtı giçeler hep  
Feriştehler 'alemlerle mu'âkab

Livānuñ birin evvel Muştafāya  
Getüreler anı ol pür-şafāya

Ola tülü anuñ biñ yıl kadar yol  
İni dağı aña göre ola bol

**570** Livā-yı hāmd bu sancağūñ adı  
Zümürüddendürür anuñ 'imādı

Ola yāķūt-ı aħmerden sinānı  
Buña göre dağı girü kalanı

Dağı hem kabzası aru gümüşden  
Ola pervāzi nūrānī güneşden

Dağı üstinde üç saır ola meştür  
Midādı müşk ü 'anber kāğıdı nūr

Bu ola saır-ı evvelde kadīmī  
Ki **bismillāhi'r-raħmāni'r-raħīmi**

**575** İkinci saırı **el-hāmd** oldu yine  
Varınca **nūn-ı rabbül-'ālemīne**

Üçünci **lā vü illā'llāh** ola hem  
Muħammed haķ rasūlu'llāh ola hem

Şehīd ü şāliħ ü şiddiķ bular  
Rasūl ile olalar bu ulular

Ṭuralar sancağūñ yanında hāzır  
Rasūlu'llāh ola bunlara nāzır

Pes andan bir 'alem dağı belüre  
Gelüp ol dağı ol arada ṭura

**580** Münādiler diyeler hâzırûna  
Ki *eyne's-sâbıķüne'l-evvelüne*

Diyeler ķanı dîn yolunda evvel  
Ķadem basup da Őunmıřlar idi el

[v. 22<sup>a</sup>]

Ebū-Bekr anlara virüp cevābı  
Ķatına cem' ide ehl-i Őavābı

Mühācirlerle sâbıķlar müretteb  
Gideler cennete Bū-Bekr ile hep

Pes andan bir 'alem daķı belüre  
Gelüp ol daķı ol arada ıura

**585** Münādī diye yine hâzırûna  
Ki *eyne ellezîne ya'dilüne*

Diye ķanı olanlar mîr ü dāver  
Ki 'adl ü dād idüp olmiřdı server

Vire anlara fîz ol dem cevābı  
Gedālar Őāhı ol mîr-i Őāķābı

Gelüp 'ādil olan begler ireler  
Ki Fārūķ ile cennete gireler

Pes andan bir 'alem daķı belüre  
Gelüp ol daķı ol arada ıura

**590** Münādī diye yine hâzırûna  
Ki *eyne ellezîne yünfiķüne*

Diye ķanı viren māl u menālin  
Gelüp alsun bugün Ħaķdan me'ālin

Diye ol demde 'Osmān İbn-i 'Affān  
Nedür diñ yā melekler emr ü fermān

Gelüp infāķ iden ehl-i yegāne  
Gide 'Osmān ile bāĝ-ı cināna

Pes andan bir 'alem daķı belüre  
Gelüp ol daķı ol arada ıura

**595** Münâdî diye yine hâzîrûna  
**Ve lâ-ḥaufün 'aleyhim yaḥzenûne**

Diye kanı Ḥudāya dost olanlar  
 Bu ḥavf u ḡuşşadan ḳurtuldı anlar

[v. 22<sup>b</sup>]

Diye anlara pes ol şîr-i yezdân  
 Nedür eydûñ ḳulına emr-i sulṫân

Düşüp yanına ol şîr-i Ḥudānuñ  
 Velîler ṫuta yolını cinānuñ

Pes andan bir 'alem daḫı belüre  
 Gelüp ol daḫı ol arada ṫura

**600** Münâdî diye yine hâzîrûna  
 Ki **eyne ellezîne yaḳtülüne**

Ki ya 'nî kanı ol maḳtül olanlar  
 Gelüp bugün cezāsın alsun anlar

Ḥüseyn ile Ḥasan olduḳda āḡâh  
 Diyeler ne buyurur bize ol şâh

Geleler yanına maḳtül olanlar  
 Gideler cennet-i a'lāya anlar

Pes andan Fāṫıma ḫâzretleri de  
 Yaḳasın eyleyüp ol gün derîde

**605** Ḥüseynüñ kanlu gönleḡi elinde  
 Şikāyet sözleri ola dilinde

Bir elinde ḳamîş-ı zehr-âlüd  
 Çıḳa âh itdügince od ile düd

Diye senden budur yâ Rab murādum  
 Ki zâlimlerden al zulum ile dādum

Velî bir âh idem cümle melekler  
 Yanalar süzişinden nüh-felekler

Rasûlu'llâh işidüp bu kelâmı  
 Diye yoḳ bizde almaḳ intikâmı

**610** Ki bizde dīn olur kīn olmaz iy pāk  
Girībānuñ ne hācet eylemek çāk

Ki bizde ‘afv ile olur ‘ināyet  
Gel imdi idelüm hālka şefā‘at

[v. 23<sup>a</sup>]

Belādan kırtaralum gel ‘uşātı  
Şayalum şayyibāta seyvi‘atı

Baña dünyāda kāfirler cefāyı  
İderlerdi ben eylerdüm vefāyı

Baña da virdi kāfir zehr-i kıttāl  
Beni tekzīb idüp ol kıavm-i idlāl

**615** Ben anlar itdüğine kıalmaz idüm  
Ki ‘aynuma birisin almaz idüm

Bunuñla kıomayup āhır vařandan  
Beni sürdi kıçkıardı anlar andan

Çıkup hāsetle gitdüm yana yana  
Gözüm yaşı yüzümi yurdu kıana

Baña ol Bārī virdi şoñra furşat  
Varup fetħ eyledüm anı tamāmet

Birinden almadum ben intikāmı  
Mu‘āf itdüm bulardan hāş u ‘āmı

**620** Gel imdi sen de ben itdüğüm eyle  
Saña kıahr idene luř ile söyle

Bu söz ile tesellī bulup ol māh  
Diye her ne dir iseñ olsun iy şāh

İdüp ‘āşīlere ol gün şefā‘at  
Gideler cennete şağ u selāmet

Pes andan bir ‘alem daħı belüre  
Gelüp ol daħı ol arada řura

Ki zīrā dīn ü İslām fı‘l-ħakīķat  
‘Adedde olur ol üç yüz şerī‘at



**625** Virile bir 'alem her bir 'azîze  
Meşâyiğden olan ehl-i temîze

Bölük bölük olan ehl-i cinânı  
Behiştî ideler pîr ü cüvânı

[v. 23<sup>b</sup>]

Bulardan şöña iy ehl-i selâmet  
Cehennem ehline irişe nevbet

Nidâ idüp diyeler kıanı ol dñn  
Hemân hazır ola Fir'avn-ı mel'un

Başına uralar âteşden efser  
Çekeler önüne bir hük-ı ester

**630** Vireler egnine bir zışt kabâyı  
Şalalar altına ziftten 'abâyı

Ululanup tekebbür eyleyenler  
Yanınca gideler hep bile anlar

Gireler varalar nâr-ı cahîme  
Düşeler şusayup âb-ı hamîme

Nidâ eyleyeler pes kıanı Kâbil  
Ol olmayan Hakuñ emrine kıâyil

Gele ol demde ol 'işyâna mâyil  
Tağalar boynına oddan selâsil

**635** Hâsüd olanları cem' idüp anı  
Tamuya süreler anlarla anı

Münâdîler diye kıanı Ebü-cehl  
Hemân hazır gele ol dem o nâ-ehl

Yüzi kıara eli ayağı bağılu  
Cehennem odı ile bağırı tağılu

Süreler kıavmi ile hep tamuya  
O seg varup cehennemde uluya

Nitekim dir o Hâllâk-ı me'anî  
Kelâm-ı münzelinde bu beyânı

يوم ندعوا كل اناس بامامهم

- 640** Pes andan cennet ehli vara vara  
Yağın olalar ol dār-ı qarāra

[v. 24<sup>a</sup>]

Görelər qarşuda bir ulu şahrā  
Şecer çayır çemen olmuş müheyā

Ağar āb-ı revānlar gūşe gūşe  
Varup meşğūl olalar ‘iṣ ü nūşa

Budağ budağ yemişler hūşe hūşe  
Aşılmış her ağaçda gūşe gūşe

Açılmış cā-be-cā cennet bahārı  
Şüküfeyle bezenmiş her kenārı

- 645** Öter her gūşesinde dürlü kuşlar  
Ki cisme cān u cāna cān bağışlar

Şu deñlü ideler ‘iṣ-i nihānī  
Bular unudalar bağ-ı cinānı

Bular bunda sürerlerken şafāyı  
Ki Rıdvān eyleye bir kez nidāyı

Aluñ iy hāzin-i cennet burākı  
Bularuñ beni yaqdı iştivākı

Gelüp qarşu bulara ‘izzet ile  
Alup hulde gideler şevket ile

- 650** Varıcağ cennete kapu açalar  
Bularuñ üstine şaçu şaçalar

Şunalar hūrīler la‘līn kadehler  
Vire her içene şād u ferağlar

İçeler biri birine tolular  
Ayağ ayağ yine yürriye bular

Varalar her biri yirlü yirine  
Çona her birinüñ devlet serine

Nitekim buyurur Allâh ta'âlâ  
Bu âyetde ider bu sırrı peydâ

إِنَّ أَصْحَابَ الْجَنَّةِ الْيَوْمَ  
فِي شُغُلٍ فَكَاهُونَ

[v. 24<sup>b</sup>]

**655** Ki ya'nî budurur tefsîr-i âyet  
Şuğulda olalar bu ehl-i cennet

Murâd oldur şuğuldan dir ulular  
Olalar yimede içmekde bular

İşitmekde ola bunlar hoş-âvâz  
Sürüd idenler olalar perî-nâz

Eyü sözlü güzel yüzlü güzeller  
Aña göre ola hem göz ü eller

Ṭuralar karşılarında ber-â-ber  
Ola anlar ile bunlar ser-â-ser

**660** İde bunlar biri birin ziyâret  
Sürüp zevk ü şafâlar 'İş ü 'işret

Yedükleri bularuñ lahm-ı t̄ayir  
Hem içdükleri ol mâ'-i t̄ahir

Temâşası bularuñ ola dîdâr  
İdeler bîkr-i havrâ ile güftâr

Giceler hoş giçerlar sâyesinde  
Muqîm olup sa'âdet pâyesinde

Leb-i havz ola bunlaruñ civârı  
Teferrücgâhı ırmaqlar kenârı

**665** Ola hem-sâyesi bunlaruñ Allâh  
Ki her birinde ola bir ulu şâh

Bularuñ var ise tamuda ehli  
Unutdura Hudâ idüp tesellî

Bularuñ tã ki telh olmaya 'ıŝı  
Daħı nıŝ olmaya cennetde nũŝı

Ki zîrã cennet olmaz dâr-ı guŝŝa  
Bulara ŝâdlıkdur cümle hisse

Dimekdür didügi Hağ **fâkihüne**  
Ki ya'nî **fârihüne nâ'imüne**

[v. 25<sup>a</sup>]

**670** Ki ya'nî cennet ehli ola hem-vâr  
Sürür-ı güŝe-i ni'metde her bâr

هُم وَأَزْوَاجُهُمْ فِي ظِلَالٍ

Ki ya'nî cennet ehli çiftleriyle  
Ağaçlar gölgesinde birbiriyle

Olalar süreler zevk ü şafâyı  
Ginâda olalar yoħsul u bayı

عَلَى الْأَرَائِكِ مُتَّكُونَ

Serîr üstinde ola müttekîler  
Eger 'avretdür anlardan eger er

### SU'ÂL

Diseler kim güneŝ olmaz cinânda  
Neden ola pes ola sâye anda

### CEVÂB

**675** Egerçi ay u gün olmaz cinânda  
Ki 'arŝ nürından olur sâye anda

لَهُمْ فِيهَا فَاكِهَةٌ وَلَهُمْ مَا يَدْعُونَ

Ki vardur anlaruñçün güne güne  
Yemiŝler k'anda yirler her öyüne

Daħı ehl-i cinânuñ hâtırından  
Ne giçse hâzır ola her birinden

Ki gelmedin dilegi dillerine  
Hemân her neyse gire ellerine

Diye mü'minlere Allâh ta'âlâ  
Dileñ benden ne ise kãm-ı akŝâ

[v. 25<sup>b</sup>]

**680** Bular dağı dileye anda Hâkdan  
Dilekleri ne ise az u çokdan

Bularuñ hâcetin Hâk ide maqbûl  
İde ihsânını anlara mebzûl

Diye mü'minlere yine o kâzî  
Ben oldum siz de olduñuz mı rāzî

Bular diye İlahî rāzî olduk  
Ne istedükse senden cümle bulduk

Diye ben dağı sizden rāzıyam Hâk  
Selâm olsun size benden eyâ Hâk

سَلَامٌ قَوْلًا مِنْ رَبِّ رَحِيمٍ

**685** Ki ya'nî ol Raḥîmüñ rahmetinden  
Selâm olsun size Hâk ḥazretinden

Duḥûl-i cennet oldu size erzân  
Ki siz kullarına rahm itdi sulṭân

Buyurur İbn-i 'Abbās-ı ser-efrâz  
Rivâyet eyler ol 'allâm u mümtâz

Dir uçmaḳ ehlinüñ kapularında  
Ṭura yetmiş ḥadem ṭapularında

Eñ ednâsınuñ ola hem bu devlet  
Dağı bunuñ gibi nice sa'âdet

**690** Ferişteler ziyâret itmek için  
Görüp bunları dönüp gitmek için

Gelüp anlar ideler 'arz-ı hâcet  
Bu ḳapuda ṭuran ḳullara ol vaḳt

Bular dir anlara lafz-ı dürerle  
Ki şoḫbetdedür anlar ḥürîlerle

Diyeler bir zamândan şoñra gelüñ  
Murâduñuz ne ise virüñ aluñ

[v. 26<sup>a</sup>]

Gidüp yine geleler ola destür  
İçerü girmek için şād u mesrūr

**695** Ferištehler girüp vire selāmı  
Bu mü'minlerle idüp hoş kelāmı

Dağı 'arz ideler Hākuñ peyāmın  
İrüreler bulara Hāq selāmın

Diyeler rāzı oldı sizden Allāh  
Ki siz de bu haberden oluñ āgāh

Bular da diyeler hep rāzıyuz biz  
Hudādan kamumuz bilmiş oluñ siz

Alup virüp dönüp bunlar gideler  
Münādiler ide şoñra nidālar

**700** Bulara diyeler iy ehl-i cennet  
Şihhat var bunda size yok saķāmet

Size dirlik var ölüm yok bu derde  
Yigitlik var kıcalık yok bu yirde

Dağı var bunda şādī guşsa gam yok  
Şafā vü zevk u 'ālem var elem yok

Olur gün bunda günden yümn ü meymün  
Olur sā'at da sā'atdan hümāyün

Yimek içmek çok olur cāvidāne  
Velī yiyen içen varmaz yabana

**705** Ki bunda balgam u şafrā sümük yok  
Ne ğayet ıssı var ne kıatı şovuk

Ne bit var bunda ne pire ne kir pas  
Ki bunda eskimez ton yıpramaz nās

Nefes yirine ola zıkr u tesbīh  
Şeb olmaz dāyimā olur meşābīh

Olur kim derlese derler 'araqlar  
Ola bûyî gül-âb u müşğ ü 'anber

[v. 26<sup>b</sup>]

Teni ehl-i cinānuñ perverişden  
Ki hālî ola mûdan ğıll ü ğışdan

**710** Meger saç ola kirpik ola hem kaç  
Bulardan ğayrı bir kıl olmaya faş

Dağı gözleri ola sürmelü hep  
Eger ümdür eger ibn ü eger eb

Dağı Âdem şafî boylu olalar  
Muhammed Muştafâ hüylü olalar

Şorarsañ Âdemün boyından aḥbār  
Çekerdi altmış arşun kadd-i reftār

Dağı 'İsâ sininde ola yaşı  
Bir ola cümlenün ayağı başı

**715** Ne uzun ola ne düşe tayına  
Ne kûteh ola tura cāvidāne

Şorarsañ 'İsînün yaşın haberden  
Otuz iki 'adeddür pā vü serden

Dağı Yûsuf gibi ola güzeller  
Yüzine göre ola göz ü eller

Ebû'l-Es'ad Sa'îdî-nām Huzrî  
Rivâyet eyler ol 'allāme faḥrı

Rasûlu'llāhdan eyler ol rivâyet  
Ki bu resmedürür ebyât-ı cennet

**720** Ki köşki ola yetmiş iki kûbbe  
Ola her birisi bir dürr-i ḥabbe

Dağı her kûbbede bir kürsi kāyim  
Ola yâkût-ı aḥmer anda dāyim

Dağı her kürside bir bister ola  
Leṭâfetde be-ġāyet bih-ter ola

Ola kumaşları sündüsle dībā  
Dağı her çevresi bālišler ola

[v. 27<sup>a</sup>]

Dağı bir hūrī ola her birinde  
Teninde hüllesi tācı serinde

**725** Görine taşradan cismi kabādan  
Rivāyetdür bu sözler Muştafadan

İligi görine sūnüklerinde  
Hudā bir sır çomış ilüklerinde

Eger ol hūrilerden biri iy yār  
Bu dünyāya nazar kılsaydı yek-bār

Ayuñ günün olaydı maḥv nūrī  
Eger baksa bular bir kez zarūrī

Bularuñ ağızınuñ āb-ı zülālī  
Unutduraydı bala dad u dalı

**730** Eger dünyāya bir kaçre tamaydı  
Deñizler kılmaya tatlu olaydı

Dağı cennetde vardur çār ırmağ  
Akarlar anda gūşe gūşe bāğ bāğ

Biri süddür biri şudur biri bal  
Birisi ḥamr-ı tāhir şürb-i aḳbal

Bu çār ırmağ için dir ba‘z-ı kākā‘il  
Bir ırmağdur ki cennet içre sākā‘il

Bu bir şudur tūtpdur ṭab‘-ı rābī‘  
Olupdur ol ṭabī‘atları cāmī‘

**735** Ki ihyā itmede şudur şifāda  
‘Aseldür şevḳ ü zevḳ virmekde bāde

Lebinde terbiyetde biri dördün  
Oñat fehm it maḥallin çünki gördün

Dağı şādū‘r-revānlar gayrı cular  
Akarlar bāğ u baḫçalarda bular



Bu dörtten baĥş olurlar her kenâra  
Bün-i serve pey-i naĥl ü enâra

[v. 27<sup>b</sup>]

Daĥı vardır cinânda çâr bînar  
O çehler tolidur Őu ile her bâr

**740** Birisi zencebîl ü biri tesnîm  
Birisi selsebîldür eyle teslîm

Raĥîk oldı birisi ol çehâruñ  
İki gözidürür bu üç bînaruñ

Pes evvel südden içe ehl-i îmân  
Kim oldur çeşmesâr-ı âb-ı ĥayvân

Pes andan Őoñra içeler 'aselden  
Şifâ andandur insâna ezelden

İçeler Őudan ireler necâta  
Sebeb olduĥı için bu ĥayâta

**745** İçeler eñ Őoñında ĥamr-ı tâhir  
Ki olmamaĥ için ĥam ĥuŐŐa zâhir

Buyurur Es'ad-ı Sa'd bin Müseyyeb  
Bu sözde Őekke varma yokdurur reyb

Baña Őohbet iderken Bû-Hüreyre  
Didi gel varalum senüñle seyre

Çıkup tenhâ idüp 'arz-ı uĥuvvet  
Didi Ĥaĥdan dilerüz özge ĥâcet

Senüñle beni bâzâr-ı cinânda  
Nitekim bunda cem' eyleye anda

**750** Didüm cennetde de bâzâr olur mı  
Didi bu sözde ĥiç tekrâr olur mı

Didi her cum'a günü ehl-i cennet  
Dirilüp bir yire eyleye Őohbet

Ĥüsün bâzârın ideler temâŐâ  
Ĥılâf olmaya bu sözlerde ĥâŐâ

Çıka bir bād-ı hoş-ter zîr-i 'arşdan  
 Tuta tîb-ı cinânı sūy-ı şeşden

[v. 28<sup>a</sup>]

Ola ol bād-ı hoş u 'anber-efşân  
 Ki hulle tonlarını ola bārân

**755** Geyüp mü'minler ol zîbā kabâyı  
 Burâk üstine şalalar 'abâyı

Gelüp bunlar sarāya atdan ine  
 Diye ehli bulara n'oldı yine

Diyeler hüsñünüz olmuş ziyāde  
 Neden oldı size bu istifāde

Ne hoş olmuş cemāl-i dil-küşāñuz  
 Ne ihsân itdi yine pādîşāñuz

Haberde şöyle gelmişdür beyāna  
 Kaçan cum'a gün olsa mü'mināna

**760** Ferişteler getüreler burākı  
 Hüdādan 'arz ideler iştiyākı

Binüp mü'minler olalar revāne  
 Giderken uğrayalar bir mekāna

O yirün tağları ola şekerden  
 Şuyı dahı şeker şerbetlerinden

Kenārında ola çayır çemenler  
 Ki güller lāleler nesrîn semenler

Benefşe nîlüfer nergisle reyhân  
 Ola her birisi gül gibi handān

**765** Nice kuşlar ağaçlar budağında  
 Terennümler idüp eyleye hande

Kimi kumrı kimi dürrāc u bülbül  
 İder her biri bir şāh üzre kulkul

Kimi süglün kimi tāvūs-ı zîbā  
 Kimi bülbül kimi tūf-i gūyā

Ki her bir murğ ider anda terennüm  
Bu mü'minlere dir eyleñ tena‘‘um

[v. 28<sup>b</sup>]

Bu remzi añlayup bunlar inerler  
İnüp andan ol arada qonarlar

**770** Oturalar bu hoş yirde giceler  
Ta‘amın yiyüben şuyın içeler

Şuyı ħod zıkr olunmışdur bu cānuñ  
Ta‘amı laħm-ı murğāndur hem anuñ

O kuşlar ötüben nālān olurlar  
Sūzişinden bişüp biryān olurlar

Gelürler önlerine mü'minānuñ  
Ġidāsını vireler cism ü cānuñ

Pes Allāh emri ile yine der-ħāl  
Yine iħyā ola anlar açup bāl

**775** Hemān sā‘at qanadların açalar  
Yine evvelki gibi hep uçalar

Binüp mü'minler ol yoldan şapalar  
Görine qarşuda tağlar depeler

Kimi ‘anberden anuñ kimi müşkden  
Müzeyyen her yañası dürlü köşkten

Dağı dört ırmağ akarlar dibinde  
Ki bitmiş dürlü çiçekler lebinde

Bu dördüñ üçleri iy ehl-i teslīm  
Raħīķ u zencebīl ü rüd-ı tesnīm

**780** Biri de selsebīl ol nehr-i çāruñ  
Mizācı zencebīl ol cūy-bāruñ

Dağı ola bu qaşır her birinde  
Muşanna‘ kürsiler yirlü yirinde

Kimi yāķūt-ı aħmerden kimi zer  
Kimi la‘l ü kimi dür kimi gevher

Maḳāmıdır bu her bir enbiyānuñ  
Şehīd olan daḫı şol evliyānuñ

[v. 29<sup>a</sup>]

Görüp mü'minleri karşı geleler  
Ki ta'zīm eyleyüp 'izzet kılalalar

**785** İçi şerbet tolu la'īn kadeḫler  
Şunalar bunlara vire feraḫlar

İçüp bunlar bula bunda şafālar  
İdeler birbiriyle merḫabālar

Daḫı nāgeh çıka bir bād-ı hoş-bū  
O müşkden kulleleri tozıda bu

Gelüp mü'minlerüñ üstine kona  
Geçüp anları kona ata toña

Pes andan bir bölük nūr ola peydā  
Münevver ola andan kūh u şahrā

**790** Çıka ol nūr içinden çok kadeḫler  
İçüp ol meyden olalar feraḫlar

Velī sākīsi yok zāhirde ḫāzır  
İçi her birinüñ pür-ḫamr-ı tāhir

İre nāgeh nidā bir hoş edāsı  
Vire rüḫ-ı revān cāna şadāsı

Dile iy terk iden dünyāda lezzet  
Riyāzatla geçüp kılan kanā'at

Oruçlar tutup olan teşne vü ac  
Geyüp ḫulle urunsun başına tāc

**795** Hem içsün bu kadeḫden kana kana  
Ki bu cānlar bağışlar cism ü cāna

Diye mü'minler iy sulṫān-ı 'ālī  
Bize sen va'de kılmışduñ bu ḫāli

Girüp cennete didāruñ görevüz  
Dilegümüze cümlemüz irevüz

Pes imdi içmezüz biz bu şarâbı  
Ki görmeyince biz sen âfitâbı

[v. 29<sup>b</sup>]

Ola nâgeh bulutlar âşikâre  
Pey-â-pey nür-ı pertev pâre pâre

**800** Bu günler açılıp 'arz ide mâhı  
Tecellî ide dîdâr-ı İllâhî

Ayuñ on dördi gibi ola zâhir  
Hâlâyık bî-ğod olup yata âhîr

Vireler ol şarâbı her birine  
Gele her birinün 'aqlı yirine

Müdâm olup bular zevk ü şafâda  
Naẓarda rûy-ı sâde elde bâde

Yazana dinleyene okıyana  
Müyesser kıl bunı it bir bahane

**805** Tamâm idüp burada bu vuķû'ı  
Yine söz başına kılduķ rucû'ı

Pes andan şoñra olup kâm u nâ-kâm  
Su'al ile hisâbı idüp itmâm

Pes andan şoñra emr eyleye Allâh  
Münâdîler nidâ eyleye nâgâh

Ayıra cennet ehlin dūzahından  
Ne varsa ol arada berzahından

Bu yirdür iki yol ayrıldıđı cā  
Hîṭâb idüp diye Allâh ta'ālā

وَإِن تَارُوا الْيَوْمَ إِلَيْهَا الْمُجْرِمُونَ

**810** Ki ya'nî aynluñ iy ehl-i tuğyān  
Yiter mü'minleri eyleñ perî-şān

Bu yirdür âdemün bađrın iden baş  
Bu yirdür halkuñ iden gözlerin yaş

Bu yirdür ayıran ođlı atadan  
Bu yirdür ayıran kıızı anadan

[v. 30<sup>a</sup>]

Bu yirdür ayıran ıhvānı aḥdan  
Cüdā iden bu yirdür ābı yaḥdan

Bu yirdür ayıran yād u bilişi  
Bu yirdür ayıran işinden işi

**815** Bu yirdür bağı iden pāre pāre  
Bu yirdür gönli iden yara yara

Bu yirdür fūrkatı iden mü'ebbed  
Bu yirdür ḥasreti kılan mü'eyyed

Budur aḥduğı ol šāh-ı irādet  
Kelāmında didügi yevm-i ḥasret

Ki ya'nī diye Ḥaḫ iy ehl-i tuğyān  
Bu günde aşşı itmez şoñ peşimān

Bu mü'minlerden ayrıluñ burada  
Bileydiñüz nice yirde arada

**820** Kabirde dünyede maḥşerde bā-hem  
Olup bunlarla olduñuzdı maḥrem

Esenleşüñ vedālar eyleyüp çok  
Ki görmezsiz biribiriñüz ayruḫ

İşide çok ḥalāyık bu nidāyı  
Bileler ne nidā itdi Ḥudāyı

Taḥayyürde ḫalup ḫayrān olalar  
Ten-i zī-rūḫ iken bī-cān olalar

'Azāb iden feriştehler geleler  
Etegin kiminüñ elin alalar

**825** Ayırup dūzaḫ ehlin cennetiden  
Seçeler zaḫmetiyi raḫmetiden

Feriştehlere emr eyleye Allāh  
Olinca emr-i Ḥaḫdan bunlar āgāh

Bularuñ bu ola ol dem murādı  
Şu bir ḫuş gibi kim dire cerādı

[v. 30<sup>b</sup>]

Nice oğulları atalarından  
Nice duhterleri analarından

Nice kardeşleri kardeşlerinden  
Nice yoldaşları yoldaşlarından

**830** Olup biğâne çoklar āşinādan  
Niceler ayrıla āl u abādan

Görüp bunlar bu hāli ağlaşalar  
Biri birine muhkem şarmaşalar

Diye her biri vāveylā diriğā  
Ki feryād eyleyüben diyeler vā

Diye vā ḥasretā ol günde her cān  
Fiğān idüp kıllalar āh u efgān

Diyeler çok bizi yoldaşımızdan  
Ayrırsın kavim kardeşimizden

**835** Ki bārī vir bize bir lahza destūr  
Esenleşüp görüşüp olavuz dūr

Nidā idüp ola ol demde destūr  
Vedā' idüñ varuñ iy kavm-i mehcūr

Ki görmezsiz biri birinüz ayruğ  
Bu gündür gördüğünüz az eger çok

Cehennem ehli cennet ehli birle  
Görüşüp kucuşalar birbiriyle

Țutup boynın biri birinüñ anlar  
Kucaklaşup turalar çok zamānlar

**840** Biri birinüñ urup yüz yüzine  
Süre her birisi gözin gözine

Ki kırk yıl ağlaşalar ol arada  
Velī olmaya ašlā istifāde

Geh uşları gide geh aylıalar  
Geh 'ākıl olalar geh bayılalar

[v. 31<sup>a</sup>]

Pes ol kırk yıl tamām olduĝda nāĝāh  
Nidā ide yine ol demde Allāh

Diye iy ‘āşiler v’iy baĝtı bedler  
Diye iy düzah içinde ebedler

**845** Ki şimden girü ayrılūñ seçilūñ  
Budur şoñı biliñüz sāl-ı çilūñ

Çıkuñ tiz cennet ehli arasından  
Ki ummañ hıç bularūñ çāresinden

Pes andan düzah ehli yana yana  
Taĝassür eyleyüp ehl-i cināna

Boyunları bükük kāmetleri ĥam  
Gideler kañrılı kañrılı pür-ĝam

Dönüben artlarına baĝa baĝa  
Bulardan ideler ĝat’-ı ‘alāĝa

**850** Tıutup şol yolu gideler caĝıme  
Varup uğrayalar ol ĥavf u bıme

Tıtalar şaĝ yolu pes ehl-i cennāt  
Behişt-i heşt ola anlara ebyāt

Ĥaberde şöyle geldi eyledür hem  
Olalar üç gürūh ehl-i cehennem

Biri ĝoca biri yiĝitler ola  
Birisi ‘āşıye ‘avretler ola

Erenleri saĝalından tıtalar  
Süriyüp ŧamu odına atalar

**855** Seçüp ‘avretlerini içlerinden  
Süriyeler ŧamuya saĝlarından

Varıcaĝ ŧamu ĝapusına bular  
Ki feryād eyleyüp ide ĝultivler



Ĥudādan dileyeler ola destūr  
Dilekleri ola ol demde ma'zūr

[v. 31<sup>b</sup>]

Diyeler kendümüzi ağlaşalum  
Çözülürüz çü biraz bağlaşalum

Pes andan şol kadar giryān olalar  
Ciger biryān olup hayrān olalar

**860** Bularuñ gözi yaşı ola deryā  
Gemiler қоşalar yūriye gūyā

Pes andan eyleye Allāh ĥitābı  
Budur Ĥaḫkuñ ĥitāb-ı müsteṭābı

أَلَمْ أَعْهَدْ إِلَيْكُمْ يَا بَنِي آدَمَ أَنْ  
لَا تَعْبُدُوا الشَّيْطَانَ إِنَّهُ لَكُمْ عَدُوٌّ مُّبِينٌ  
وَإِنْ اعْبُدُونِي هَذَا صِرَاطٌ مُسْتَقِيمٌ

Ki ya'nī dimedüm miydi size ben  
Olasız aḥsen-i hüsn ile aḥsen

İy ādem oğlanı şeyṭāna ṭapmañ  
Ḳoyup ṭoğrı yolu egrıye şapmañ

Kim ol size 'adūdur āşikāra  
Ki sizi getürür bir bir şikāra

**865** Baña ṭapuñ ki budur ṭoğrı minḥāc  
Metā'umdan alan virmez benüm tāc

وَلَقَدْ أَضَلُّ مِنْكُمْ جِبَلًا كَثِيرًا  
أَفَلَمْ تَكُونُوا تَعْقِلُونَ

Ki ya'nī sizden ızlāl itdi şeyṭān  
Nice ḫalkı ki olalar peşimān

Ki sizde yok mıdı 'aḳl ile ġayret  
O düşmen sözine\_itdünüz iṭā'at

هَذِهِ جَهَنَّمُ الَّتِي كُنْتُمْ تُوعَدُونَ  
إِضْلَوْهَا الْيَوْمَ بِمَا كُنْتُمْ تَكْفُرُونَ

Ki ya'nī budur ol dūzaḥ ki size  
Olunmuş idi va'de geldi ize

[v. 32<sup>a</sup>]

Pes imdi sizlere bu yevm-i şiddet  
Ki kendü küfrünüzle buldı ülfet

**870** Bular inkār idüp diye İlahī  
Biz itmedükdi anda bu günāhı

Biz olmaduk idi şeytāna tābī'  
Velī olduk idi imāna tābī'

Ki biz müşrik degülüz her birimüz  
Neden dūzaḥ ola bizüm yirimüz

O Cebbār-ı cihān Kayyūm u Qahhār  
Hemān dem қudretini ide izhār

Ol itdükleri 'iṣyān elleriyle  
Mühürleye dehānın dilleriyle

**875** Daḥı şol girü қalan 'uzv u a'zā  
Olalar her biri ol demde gūyā

الْيَوْمَ نَخْتِمُ عَلَىٰ أَفْوَاهِهِمْ وَتُكَلِّمُنَا  
أَيْدِيهِمْ وَتَشْهَدُ أَرْجُلُهُمْ بِمَا كَانُوا يَكْسِبُونَ

O gün kim mühr urıla dillerine  
Ki nevbet dege pāy u ellerine

Eli eyde benüm ile ḥarāmı  
Bir eksük itmedi itdi tamāmī

Gözi eyde benümle çok ḥarāma  
Ki baқdı қādir olmadum kelāma

Ayaқ eyde benümle nice kerre  
Başupdurur қademler cāy-ı şerre

**880** Kâmu a'zâları eyleye güftâr  
İde her birisi sözini tekrâr

Ki bunlar diyeler a'zâlarına  
Ayak u gözlerine ellerine

Çü biz kurtarmak için sizi inkâr  
İderüz siz niçün eylersiz ıkrâr

[v. 32<sup>b</sup>]

Diye her birisine cümle a'zâ  
Bizi söyletmez illâ Hâk ta'âlâ

Çü huccetler gele bir bir beyâna  
Ki ayrık kalmaya 'özü ü bahâne

**885** Zebânîlere emr eyleye nâgâh  
Sürün bunları nâra diye Allâh

Ki her bir def'ada her bir zebânî  
Düşüre nâra yetmiş biñ kalanı

Eger anuñ birisi bu cihâna  
Nâzar kılsaydı olup bir bahâne

Cemî'-i halk-ı dünyâ haşşetinden  
Helâk olaydı anuñ heybetinden

Bu dünyâyâ eger bir mâr-ı tamu  
Dem ursaydı yanaydı oda kâmu

**890** Ki hiç ot bitmeyeydi yir yüzinde  
Ne mürde kurtulaydı ne zinde

Eger tamu odından bir kabâyı  
Getürseler yakaydı oda câyı

Çoğusundan helâk olaydı mañlûk  
Ne var ise eger az u eger çok

Tamu zencirlerinden ger birini  
Ki dünyâ tağı itseler yirini

Eriyüp şu olaydı tağ u taşlar  
Yanaydı sūzışından kuru yaşlar

**895** Cehennem ehlinün anda gıdâsı  
Ki bir zerre degül kim mâ-'adâsı

Çıkaydı dünyeye bir zerre ya kem  
Olaydı zehr-i me'külât-ı âlem

Ŧamuyı zıkr itmek key katıdur  
Görenler anı gâyet miñnetidür

[v. 33<sup>a</sup>]

Anı görmek çü katı oldı düşvâr  
Ki furşat elde iken katı yalvar

Görenlerün çü böyle geldi fâlı  
Aña girenlerün nice\_ola hâli

**900** Girenlerün çü müşkil geldi fâlı  
Ebed kıalanlarun nice ola hâli

Rivâyetdür Ebü-Derdâ katından  
Rasül-i Hâk peyember hâzretinden

Ki eydür tâ ki ol uçmağa tâlib  
Ŧamu ehline açluk ola gâlib

Unudalar kıamu anda 'azâbı  
Oloķ dem gözlerinün taşa âbı

Ŧamusı katı katı ağlaşalar  
Ŧa'âm isteyüp anda çağrışalar

**905** Ki hattâ biñ yıl anda ağlaşalar  
Yürekden kıaynayıbanı taşalar

Ki biñ yıl olıcaķ bunlara yek-ser  
Ŧarî' ta'mın zebâniler viriser

Ŧarî' oldur deve otlasa anı  
Boğazına tırur öldürür anı

Ŧarî'i yiyicek ehl-i cehennem  
Boğazlarına tıra tıtıla dem

Diyeler dünyede gördük bu derdi  
Ŧu içdükde bu hâli def' iderdi

**910** Pes andan şoñra diye ehl-i şamu  
Zebānîlere viriñüz bize şu

Yine biñ yıl bular bu ârzûda  
Ola göñülleri gözleri şuda

Pes andan vireler mâ-i hamîmi  
Şuvarmaq kaçdına ehl-i cañîmi

[v. 33<sup>b</sup>]

Ĥamîm ol ıssı şudur zarfıdur nâr  
İçenüñ içi giçer bağı yanar

Alınca bunlar anı ellerine  
İletmedin dehân u dillerine

**915** İçine düşe yüzlernüñ derisi  
Yanalar yaqılalar her birisi

Bu hâl içinde yine ehl-i şamu  
Ki yalvara zebānîlere kamu

Diyeler bunlara iy kavm-i bed-ter  
Size geldi kitâb ile peyember

Niçün inanmadunuz görüp anı  
Elüñüzle idüp bulduñuz anı

Pes imdi yoqdurur bu derde çäre  
Yanarsız tâ-ebed siz bunda nâra

**920** Pes andan mâliki şamuya anlar  
Yüz urup yalvaralar çok zamânlar

Bular aña ide biñ yıl Ĥiñâbı  
Bu ola anlara dâyim cevâbı

انکم ماکشون

Ki ya'nî bunda siz tañkîk el-ħağ  
Ĥalup eglenicilersiz muħağkağ

Pes andan diye bunlar gel varalum  
Ĥudâmuz ĥazretine yalvaralum

Hem andan özge yoqdur yalvaracağ  
Yirümüz yoqdurur ayruğ varacağ

**925** Diyeler bu du‘āyı anda bular  
İdeler dürlü dürlü hülk u hūlar

ربنا غلبت علينا شقوتنا و كنا قوما ضالين

[v. 34<sup>a</sup>]

Ḳabūl olmaya bunların du‘āsı  
İrişe anlara Ḥaḳḳuñ nidāsı

احسبوا فيها ولا تكلمون

Ki ya‘nī anda anlara diye Ḥaḳ  
Ḥor oluñ dūr oluñ siz benden irak

Daḥı baña söz itmeñ bundan artuḳ  
Ḳazanduñuz görüñ az u eger çok

Pes anlar bunda itdügünü bula  
Hep ünleri it üni gibi ola

**930** Hadīşinde buyurur faḥr-i ālem  
Ki bu resmedürür nār-ı cehennem

Muḳayyed olmayanadur bu muṭlak  
Cehennem ehlinüñ birisini Ḥaḳ

Çıkarup dünýe odına koyaydı  
Ki yetmiş yıl yataydı uyuyaydı

وَلَوْ نَشَاءُ لَطَمَسْنَا عَلَىٰ أَعْيُنِهِمْ  
فَأَسْتَبَقُوا الصِّرَاطَ فَأَنَّى يُبْصِرُونَ

Ki ya‘nī budurur Ḥaḳḳuñ nişanı  
Kelāmında buyurur bu beyanı

Eger dileseyidük anların biz  
İderdük gözlerini maḥv olup tiz

**935** İvelerdi göreler yollarını  
Bilelerdi nice\_ola ḥāllerini

Ki virdük pes görür göz ile cānlar  
Giderler ḳanda dilerlerse anlar

Niçün şükr eylemez pes buña bular  
İderler yatlu işler zişte hūlar

وَلَوْ نَشَاءُ لَمَسَخْنَاهُمْ عَلَىٰ مَكَانَتِهِمْ  
فَمَا اسْتَبَاطُوا مِضِيًّا وَلَا يُرْجَعُونَ

[v. 34<sup>b</sup>]

Dağı ger dileseydük yüzlerini  
Nitekim maḥv iderdük gözlerini

Ki meşḥ eyleyüp anı döndüreydük  
Ki çāre ideler miydi göreydük

**940** Olup turdukları yirlerde cāmid  
Bilelerdi neyimiş ḥamd ü ḥāmid

Ya ḥayvān gibi olalar idi lāl  
Ne ḥāl olaydı anlarda ne ḳāl

Nitekim ilerü bunlardan evvel  
Ki meşḥ itdük nicesin uzadup el

Ḳılayduḳ anlaruñ gibi buları  
Kim olaydı bulara ḳıla yarı

Çün anlar gibi ḳılmaduḳ buları  
Niçün fark itmeyeler yoḳ u varı

**945** Ne için Ḥālīḳa şükr itmeyeler  
Ḳoyup egriyi toḒru gitmeyeler

وَمَنْ نُعَمِّرْهُ نُنَكِّسْهُ فِي الْخَلْقِ أَفَلَا يَعْقِلُونَ

Ki ya'nī kimseye 'ömr-i dırāzı  
Müyesser itsevüz bu kār-ı sāzı

Ki pīr olduḒı ḥāle döndürürüz  
Ki 'aḳl u fehmin evvel göndürürüz

Aluruz ḳuvvetin oḒlancuḳ olur  
Bunu az mı şanurlar kim çoḒ olur

Pes ol kāfirleruñ yoḒ mıdur 'aḳlı  
Bileler fehmin idüp 'aḳl ile naḳlı

950 O kâdirdür ki âdem oğlanını  
Ki tıflken pîr eyler olanını

Pîr iken yine tıfl eyler getirür  
Ki ya'nî buñadup 'aqlın yitürür

[v. 35<sup>a</sup>]

Hemân ma'sûma döner oğlan olur  
Muqadder her neyise olan olur

Pes imdi kâdir ol hayy u tüvânâ  
Ki öldürüp yine eyleye ihyâ

Ki eydür ba'zılardan ba'zı efvâh  
**Nünekkishü** didigü budur Allâh

955 Günâhı gitmedür her pîr olanuñ  
Sevâbı zâyî' olmaz lâkin anuñ

Kaçan pîr olsa bir mü'min ser-â-ser  
Kalem ref' olur andan iy bürâder

Günâhı olıcaq yazılmaz a'mâl  
Yazılmaz nitekim cürm itse eţfâl

Nitekim buyurur fağrı cihânuñ  
Eyitdi ħâlîkı bu cism ü cânuñ

الشيب نوری وانا استحيى ان

احرق نوری بناری

Ki nürumdur benüm dir ya'nî pîri  
Ne lâyıq nürumuñ nâr ola yiri

وَمَا عَلَّمْنَاهُ الشِّعْرَ وَمَا يَنْبَغِي لَهُ

إِنْ هُوَ إِلَّا ذِكْرٌ وَقُرْآنٌ مُّبِينٌ

960 Dir idi müşrikîn-i kavm-i küffâr  
Muhammed şâ'ir oldı itdi güftâr

Bu Qur'an inmedi gökden didiler  
Bu şoñdandur gelen öñden didiler



Muhammed kendü kendüden dir anı  
Didiler anlaruñ pîr ü cüvânı

Hudâ biz aña şî'r öğretmedük dir  
Görünmeyecek iz göstermedük dir

Degüldür şâ'ir ol aña gerekmez  
Şa'r ol biçmeyecek zâta ekmez

[v. 35<sup>b</sup>]

**965** Degüldür bu kiṭâb illâ zikirdür  
Naşîhatdür bu hikmet pür-fikirdür

لِيُنذِرَ مَنْ كَانَ حَيًّا وَيَحِقُّ

الْقَوْلُ عَلَى الْكَافِرِينَ

Ki ya'nî viribidük Aḥmedi biz  
Ki tâbi' olayıduñuz aña siz

Bunuñla korkudup ögütleye tâ  
Ki gönli anlaruñ kim oldu ihyâ

Ki zîrâ menfa'at Kûr'ân dir anı  
Diri olan gönüller tutar anı

'Azâba müstaḥak ola ki küffâr  
Didiler şâ'ir aña daḥı seḥḥâr

**970** Ḥaḳîkat Aḥmede bühtândur anlar  
O gerçekdür velî anlar yalanlar

أَوَلَمْ يَرَوْا أَنَّا خَلَقْنَا لَهُمْ مِمَّا عَمِلَتْ

أَيْدِيَنَا أَنْعَامًا فَهُمْ لَهَا مَالِكُونَ

Ki görmezler mi ki biz eyledük ḥalk  
Neler kim anlaruñçün eylemez fark

Oları kudretümüz işledi hep  
Kimi rākibdürür kimisi merkeb

Ki ya'nî ol ṭavarlardan ki bular  
Aña mālîkdürür bunlar ṭamular

Kimi üştürdürür anuñ kimi gāv  
Anuñ kimisi şayyâd u kimi av

وَذَلَّلْنَاهَا لَهُمْ فَمِنْهَا رَكُوبُهُمْ وَمِنْهَا يَأْكُلُونَ

- 975** Ki ya'nī ol tūvānger cānavarlar  
Çü kılduḡ bunlara oldı musaḡḡar

Kimine yük urup kimin binerler  
Südünü içüben etini yirler

[v. 36<sup>a</sup>]

وَلَهُمْ فِيهَا مَنَافِعُ وَمَشَارِبٌ أَفَلَا يَشْكُرُونَ

Ki ya'nī bu şıfatlu cānavardan  
Görürler menfa'at 'avretten erden

Niçün şükr itmeye bu ni'met için  
Didi anlar için ol ferd-i bī-çün

وَاتَّخَذُوا مِنْ دُونِ اللَّهِ إِلَهَةً

Bu müşrikler Hudādan ġayrı ma'būd  
Tutarlar şāyed ola diyü bir sūd

لَعَلَّهُمْ يُنْصَرُونَ لَا يَسْتَطِيعُونَ نَصْرَهُمْ

- 980** Bular ol bütleri hādī tutarlar  
Ki kendülere yarı vire dirler

O bütler anlara kıлмаğa yarı  
Nice kādir olurlar dir o Bārī

Bularuñ yardıma güçleri yitmez  
Ki 'ācizdür bular didügin itmez

وَهُمْ لَهُمْ جُنْدٌ مُّحَضَّرُونَ

O müşrikler bu bütler leşkeridür  
Bularuñ hāzır olmuş 'askeridür

Ki ya'nī bütler öñinde bu küffār  
Tırup ḡidmet kıılır her biri her bār

- 985** Bulara bütlerüñ hīç aşsısı yok  
Bulardan anlara vardır ziyān çok

Yaḡud ma'nā budur rüz-ı kıyāmet  
Olıcaḡ olur ol gün çok nedāmet

Çoparlar her kavim ma'bûdı ile  
Bulur kaçd eyleyen maķşûdı ile

[v. 36<sup>b</sup>]

Çapanlar bûte bütleri ile hep  
Çamuya gideler dir nitekim Rab

انکم وما تعبدون من دون الله  
حصب جهنم انتم لها واردون

فَلَا يَحْزُنُكَ قَوْلُهُمْ اِنَّا نَعْلَمُ مَا يُسْرُونَ وَمَا يَغْلِبُونَ

Ki ya'nî güft ü gūy-ı müşrik-i dūn  
Hābībüm itmesünler seni maķzūn

**990** Seni şā'ir idüp itdükleri kızb  
Dağı tekzīb idüp n'itdükleri kızb

Bilürüz anlaruñ biz gizlü sözün  
Dağı zāhirde olan sözle özin

Melül olmayasın sen yā Muḥammed  
Ben anlara ururum ḥadd-i bī-'ad

أَوْلَمْ يَرَ الْإِنْسَانَ اِنَّا خَلَقْنَاهُ مِنْ  
نُطْفَةٍ فَاِذَا هُوَ خَصِيمٌ مُّبِينٌ  
وَصَرَبَ لَنَا مَثَلًا وَنَسِيَ خَلْقَهُ

Nüzüline sebab bu bu nişānuñ  
Ubeyy ibn-i Ḥalefdür dirler anuñ

Rasūlu'llāhuñ ulu düşmeniydi  
Anuñ dār-ı cehennem meskeniydi

**995** Meger bir gün tururdu fikre talup  
Eline bir çürümiş süñük alup

Varup Peygamberüñ katına ol bed  
Didi ol māh-ı şāna yā Muḥammed

Ki dirsün dirilür girü ölüler  
Di kim nice dirilür baña bular

Sünügi ovdı elde virdi bāda  
Dağı çok söz didi bundan ziyāde

[v. 37<sup>a</sup>]

Buña didi Peyember ol arada  
Bu sözden saña yoqdur istifāde

الله يحييك ثم يبعثك الى النار

**1000** Didi kim seni Allāhu ta‘ālā  
Ki öldürüp yine eyleye ihyā

Bırağa sen pelīdi anda nāra  
İdeler seni anda pāre pāre

Bu söze kaçıyup didi o mel‘ün  
**Le-ektülenneke ve'llāt** ol dūn

Haqı çün bütlerüñ diyüp o ya'nī  
Rasüle öldürürüm didi seni

Didi sen idemezsin anı ızhār  
Velī ben seni öldürem muqarrer

**1005** Pes andan soñra bir dem yine Aḥmed  
Giçerken gördi kim ol kāfir-i bed

Bir at beslü elinde tutmuş anı  
N'idersin sen didi bu tenlü cānı

Didi bunı anuñçün beslerin ben  
Baña didüğüñ için ol sözi sen

Binem üstine dağı saña varam  
Ya öldürem ya ölem bite yaram

Didi yine Rasūlu'llāh-ı bā-hüş  
Ol at üzre seni ben öldürem uş

**1010** Ki az vaqt geçmedin anuñ du‘āsı  
Ḳabül oldı vü oldı Ḥud gazāsı

Ebiyyi bin Ḥalef atına bindi  
Gelüp ol leşker ile anda indi

Muķābil olıcaķ iki yañadan  
Çıķa geldi o kâfir bir aradan

[v. 37<sup>b</sup>]

Peyember bunda andan oldu āgāh  
Urup ĥarbeyle yıķdı anı ol ŗāh

Revān oldu derūnından yine ķan  
Ebū Süfyān ķatna vardı nālān

**1015** Ebū Süfyān bularuñ begleriydi  
Görür gözi vü ŗutar elleriydi

Ebū Süfyān didi iy bī-ĥamiyyet  
Bu deñlü yaradan ne ola zaĥmet

Ben ağlamazdum illā didi ol bed  
Ki bir gün baña dimiŗdi Muĥammed

Bu deñlü zaĥımdan ağlamaz oĥlan  
Ne ağlarsın buña iy pīr-i nādān

Atuñ üstinde seni öldürürem  
Saña ben kendüzüñi bildürürem

**1020** Dirīĥ itmez Muĥammed bilürem ben  
Ki baña serzeniŗ itmek neden sen

Uŗ öldürdi beni diyü diyü ol  
Cehennem cānibine ŗıtdı ol yol

***Evelem -yerā'l-insānū didügi evelem-  
ya'lem hāzā'l-kāfiru taķdīrindedür***

Cevābında bu āyet oldu nāzil  
Anuñ kim bilmedi ya'nī o cāhil

Yaratduķ anı biz bir ķaķre ŗudan  
El ayak her birin virdük ķamudan

Ki virdük 'aķl u fehm ü ķulaķ u göz  
Daĥı söyler dil ü rüŗen ĥaber söz

**1025** Şükür itmez bize ol oldu düşmen  
Cidāl eyler kı lup huccet diyüp ben

Dağı haşre vü neşre eyler inkār  
Meger olmadı ğafletden o bīdār

[v. 38<sup>a</sup>]

قَالَ مَنْ يُحْيِي الْعِظَامَ وَهِيَ رَمِيمٌ

O kāfir ya‘ni eydür bu çürümiş  
Sünükleri diri kılan kim imiş

Diyüp huccet kı lür ol ba‘şe inkār  
Bu nā-ħāk sözlerinden eylemez ‘ār

Çürümiş üstühānı bize ol dāl  
Getürür ol meşel bilmez nedür hāl

**1030** Anı bilmez ki neden yaradıldı  
Ne yirlerden gidüben bunda geldi

قُلْ يُحْيِيهَا الَّذِي أَنشَأَهَا  
أَوَّلَ مَرَّةٍ وَهُوَ بِكُلِّ خَلْقٍ عَلِيمٌ

Di aña yā Muħammed ya‘nī anı  
Dirildür ol çürümiş üstühvānı

Yaratdı kudretiyle ħalkı budan  
Bir avuç ħāk ile bir kaçde şudan

Pes andan öldürüben kudretiyle  
Güci yite dirilde ħikmetiyle

Evvel bir kaçre şudan düzdi şüret  
İkinci düzse toprakdan ne minnet

**1035** Zīrā hīç bir muşavvirden bu gelmez  
Ki şudan şüret itmek idebilmez

Velī toprakdan eylerler nice yüz  
Dehān u beyni vü güş u eger göz

Ya görmezler mi anı küzeğerler  
Ki toprakdan şudan bardak düzeler

Nice gün anı isti'mâl iderler  
 Kaçan şınsa yine bir hâl iderler

Sifâlini dirüp toprak iderler  
 Yine anı düzüp bardak iderler

[v. 38<sup>b</sup>]

**1040** Pes imdi kâdir ol hayy u tûvânâ  
 Tûrâb olan sünûgi ide ihyâ

Dağı kâdirdürür bağışlaya cân  
 O Hallâk-ı halâyık genc-i pinhân

Girü halk ide şüret kudretiyle  
 Göresin neyleyiser hikmetiyle

Kimisine vire cennetde râhat  
 Kimisine vire tamuda miñnet

الَّذِي جَعَلَ لَكُمْ مِنَ الشَّجَرِ  
 الْأَخْضَرِ نَارًا فَإِذَا أَنْتُمْ مِنْهُ تُوقَدُونَ

Ki ya'nî eyler ol naqqâş-ı dil-keş  
 Sizünçün yaş ağaçdan qurı âteş

**1045** Anuñla menfa'at bulup yaqarsız  
 Dilerseñüz anı taşdan çaqarsız

Hem eyler İbn-i 'Abbâs ol riyâyet  
 Mufessirler şehi şehri-i vilâyet

Rasûlün 'ammidür ol cân-ı baba  
 Ol idi 'ilmle 'âlemde deryâ

'Arab arzında vardur dir ol 'allâm  
 İki dürlü şecer şimşâd-endâm

Pes andan bir iki pâre keserler  
 İksin birbirisine sürerler

**1050** Haq emriyle çıkar odı yaqarlar  
 Ne kav ile ne taş ile çaqarlar

Dağı ba'zilar eydür her şecerde  
 Olur âteş çekerler lîk perde

Eger olmasa her ağaçda âteş  
Neden olaydı âbı özine keş

Pes imdi âb u nâra ittihâdı  
Viren kâdirdür eyler her murâdı

[v. 39<sup>a</sup>]

Diriyi ölü vü ölüyi zinde  
İder yoğdur ‘aciz kendü özinde

أَوْلَيْسَ الَّذِي خَلَقَ السَّمَوَاتِ وَالْأَرْضِ بِقَادِرٍ  
عَلَىٰ أَنْ يَخْلُقَ مِثْلَهُمْ بَلَىٰ وَهُوَ الْخَلَّاقُ الْعَلِيمُ

**1055** Degül midür ki ya ‘nî Hağ ta ‘âlâ  
Yaratdı gökleri icâd idüp câ

Yine kâdirdürür kim eyleye halk  
Olaruñ mişli mağlûk u ma ‘allağ

Belî ol hâlıkıdur cümle halkuñ  
Ki münşisidürür her hüsñ ü hulkıuñ

O ‘alimdür ki ol ‘allâm u dâñâ  
Ol itdi menşe’-i mevcüdi inşâ

Yir ü gök ki\_a ‘zam-ı mağlûk-ı Hağdur  
Kamudan yir ile gök ulu halkdur

**1060** Bu mağlûkât içinde yir ü gökden  
Büyük mağlûkı yoğdur şoñ u öñden

Pes imdi bu yir ü gögi yaradan  
Mu ‘azzamdur cemî’-i mâ-sivâdan

Ki kâdirdür ölüyi kıla diri  
Yaratdı çünki ol gök ile yiri

إِنَّمَا أَمْرُهُ إِذَا أَرَادَ شَيْئًا  
أَنْ يَقُولَ لَهُ كُنْ فَيَكُونُ

Budur be-d'rüstî emri ol Hudānuñ  
Kağan bir nesne olmağımı anuñ

Dilese ol dir ol Hallāk u Cebbār  
Hemān ol sâ‘at olur yoğiken var



- 1065** Aña hîç nesne düşvârî degüldür  
 Anuñ gayrı aña yarî degüldür  
 [v. 39<sup>b</sup>]  
 Degüldür âlet ü esbâba muhtâc  
 Anuñdur mülk ü millet taht ile tâc

### ĤİKÂYET

Binüp merkebe\_ 'Uzeyr bir gün giderdi  
 Dilinde Ĥâlîkı ol zıkr iderdi

Ki öyle vaqti\_ idi bir köye irdi  
 Ĥarâb olmuş o köyi girdi gördi

Yakılmış evleri vîrâne olmuş  
 İçinde sağ olan ne ise ölmüş

- 1070** Kefenleri sünükleri çürümiş  
 Yatur güneşe karşı hep kurumış

Görüp bunları indi merkebinden  
 Yüridi bu köyün her cânibinden

Varup bu 'âkıbet bir yire kondı  
 Kaşınup kavranup bir az ovundu

Eşegin bağladı bir cây-ı bende  
 İderdi gâh girye gâh ĥande

Bilesince var idi nân u engür  
 Ki ya 'nî ide anda anları ĥor

- 1075** Şıqup çıkardı engürün şirasın  
 Birez şükr eyledi añdı Ĥudâsın

İçine pâre pâre toğradı nân  
 Ki ışlanup yiyesi ola âsân

Koyup bir yire kendü itdi ârâm  
 Yorılmış idi diñlene o ĥoş-nâm

Virüp arkasını bir mesnede ol  
 Tefekkür 'âlemine oldı meşğül

O vîrân evleri seyrân iderdi  
 Tahayyürde özin ĥayrân iderdi

[v. 40<sup>a</sup>]

**1080** Bu çürümüş süñüklere baqardı  
Derünin seyri birünü yaqardı

O tağılmış saqallar ile kıllar  
O püsıde yatan serlerle eller

Haqıñ hıkmetine bulup taqarrub  
Baqıp bunlara eylerdi ta'accüb

Didi bunları eyleyüp teferrüc  
Bu hıkmeter saña äsän baña güc

أنى يحيى هذه الله بعد موتها

Qaçan diri kıla Allāh ta'ālā  
Buları kendüden olmış müberrā

**1085** Süñükleri tamarları şogulmuş  
Derileriyle kılları tağılmış

Zihī kudret ki bunlar ola diri  
Eri vü 'avreti vü genci piri

Çü bu endişeler hep geçdi dilden  
Hemān dem cānın aldı Haq elinden

'Uzeyr anda çü yüz yıl yatdı qaldı  
Hudā merkebinüñ de cānın aldı

Bu yüz yılda Benī-İsrāyili Haq  
'Acāyib vāqı'āta itdi mülhaq

**1090** Çok oldı orada tebdil ü tağyır  
Bunlaruñ qanqı yiri ola ta'bır

'Uzeyrün kandalığın bilmedi kes  
Bu şad-sāle tamāmet geçicek pes

'Uzeyrün yine virdi cānın Allāh  
Nidā geldi 'Uzeyre anda nāgāh

Ne deñlü yatduñ ola didi aña  
Haber vir anı öñden şoña baña

[v. 40<sup>b</sup>]

'Uzeyr anda göge baqdı vü gördi  
O vaqti geçmiş ammâ dağı irdi

**1095** Güneş gelmiş ikindü yirine tā  
Ki şandı öyle ol gün ola gūyā

Didi bir ya yarım gün yatdum ola  
Degülse eyle bilmen anı n'ola

Nidā geldi aña kim oldı şad-sāl  
Yatursın bunda bilmezsın nedür hāl

Nazar kıl ekl ü şürbüñe didi Haq  
Nedür hikmetle kudret gör aña baq

Ki gördi taze-ter şıkduğı şire  
Ta'accüb eyledi bu zūd u dire

**1100** Nidā geldi yine eyle nazar sen  
Ne itdüm merkebünle arada ben

Ki baqdı merkebin gördi soğulmuş  
Sünükler çürümiş kıllar tağılmış

Nidā geldi Hüdādan anda ya'nī  
'Uzeyrün merkebine **qum bi-iznī**

O çürümiş derilerle kemükler  
Tağılmış kıllar ile ol ilükler

Ṭurup hep cem' olup bir yire geldi  
'Uzeyr ol dem nedür ahvāli bildi

**1105** Her a'zāsı yine yirlü yirini  
Ki buldı itmedi kem Haq birini

Pes andan emr-i Haqla geldi cānı  
Hemān dem öri ṭurdı merkeb ānī

O dem içinde bir iki ağırıldı  
Ki hāl diliyle issine çağırdı

- ‘Uzeyr anda görüp bu hikmetini  
 Hakuñ añladı ol dem kudretini  
 [v. 41<sup>a</sup>]  
 İrüp ‘ilme'l-yakīn ‘ayne'l-yakīne  
 Ki vardı merkebine ol yaķına
- 1110** Gelüp üstine gitdi şehre vardı  
 Ol ol şehri bakup bir dürlü gördi
- Nice başlar ayak nice ayaklar  
 Baş olmuş iriler olmuş ufaķlar
- ‘Uzeyr ol dem sürüp geldi evine  
 Görüp ehl ü ‘iyālini sevine
- Çıķup ehli didiler kimsin aña  
 ‘Uzeyr anlara baķuñ didi baña
- ‘Uzeyrem diyicek bunlar didiler  
 Ki yüz yıldur anı çoķdan yidiler
- 1115** Açuñ kapuyı didi ben ‘Uzeyrem  
 Ben ol kendüsiyem şanmañ ki ğayram
- Ķapuyı açdılar bunları gördi  
 Hemān dem geldi iķerüye girdi
- Girüben yuķaru geĉdi oturdu  
 Oğullarını yanına kığırdı
- Oğulları yüzer yigirmi yaşıa  
 İrişmiş her birinüñ ‘ömri başa
- Bükülmüş beller ağarmış şaķallar  
 Buruşmuş yüzler ü ayaklar eller
- 1120** Velī kendüsi kırık yaşında bir cān  
 Ķara şaķallu bunlar ĳaldı ĳayrān
- Bular didi ‘Uzeyrūñ bir nişānı  
 Var idi biz bilürüz cümle anı
- Nedür diyince bunlara o server  
 Bilürdi didiler Tevrāti ezber

Ki sen dađı bilürsen anı ezber  
O kendüsi olup olmayasın ğayr

[v. 41<sup>b</sup>]

'Uzeyr okıdı tevrâtı beyânâ  
Hemân dem bildiler anı 'ayânâ

**1125** Tırup görüşdiler biri biriyle  
Bularuñ 'avreti ile eriyile

Beyânı vâkı'ın virdi haberler  
Ta'accüb itdi 'avretlerle erler

Qalup hayrân Hudānuñ hikmetine  
Hep ıkrâr eylediler kudretine

Pes oldı bu hikāyetden bu ma'lüm  
Ki mevcüd olur imiş cümle ma'düm

Ki kâdirdür girü Allāh ta'ālā  
Ölüyi ider ol hep yine ihyā

فَسُبْحَانَ الَّذِي بِيَدِهِ مَلَكُوتُ  
كُلِّ شَيْءٍ وَإِلَيْهِ تُرْجَعُونَ

**1130** Bu ya'nī didi **sübḥāne'lezi** Haq  
Ta'accübdür yaḥud tenzih-i muṭlaq

Münezzeh pādışeh kim kudretinden  
Durur her ne var ise hikmetinden

Anuñdur mülk ü insān ü melā'ik  
Dađı her nesne vardur bin eger yek

Pes andandur dađı her pādışāhuñ  
Ki şehligi şu'a'ı mihr ü māhuñ

Yine aña rucū' eyleyiser hep  
Eger ibn ü eger ümm ü eger eb

**1135** Pes āmennā ve şaddaḳnā semi'nā  
Çü bize didi Haq **naḥnü kašemnā**

Tamām oldı burada nazm-ı Yāsīn  
Yazanı aña kaçan ki\_oқыyasın

**KAYNAKLAR**

- ÂŞIK ÇELEBİ (2010). *Meşâ'iru's-şu'arâ*, İnceleme-Metin, C. II, haz. Prof. Dr. Filiz Kılıç, İstanbul.
- İPEKTEN, Haluk ve diğ. (1998). *Tezkirelere Göre Divan Edebiyatı İsimler Sözlüğü*, Ankara.
- İSEN, Mustafa (1994). *Kühü'l-ahbârın Tezkire Kısım*, haz. Dr. Mustafa İsen, Ankara.
- MMKTYK (1992), *Mısır Millî Kütüphânesi Türkçe Yazmalar Katalogu*, C. IV, Kâhire.
- PERTSCH, Vilhelm (1889). *Die Türkischen Handschriften der Koniclichen Bibliothek zu Berlin*, Berlin.
- TUMAN, Mehmet Nâil (2001). *Tuhfe-i Nâilî-Divan Şairlerinin Muhtasar Biyografileri*, C. II, Ankara.